

四庫全書

史部

欽定四庫全書

史部

資治通鑑卷一百二十三

詳校官修撰臣錢 蔡

洗馬臣王坦修覆勛

總校官知縣臣楊懋珩

校對官中書臣葉 蘭

謄錄監生臣汪兆鼎

欽定四庫全書

資治通鑑卷一百二十三

宋

司馬光

撰

胡三省

音註

宋紀五

起柔兆困敦盡重光
大荒落凡六年

太祖文皇帝中之上

元嘉十三年春正月癸丑朔上有疾不朝會

朝直遙翻下同

甲寅魏主還宮

二月戊子燕王遣使入貢於魏

使疏更翻

下請送侍子魏主不許

燕主屢請送侍子而不許
至魏主知其詐故不許

將舉兵

討之壬辰遣使者十餘輩詣東方高麗等諸國告諭之

諭以燕王之罪使不得與通或有奔逸使不得容受之也司空江州刺史永脩公檀

道濟

漢靈帝中平中立永脩縣屬豫章郡隋開皇九年併入建昌縣

立功前朝威名甚

重左右腹心並經百戰諸子又有才氣朝廷疑畏之

直朝

遙帝久疾不愈劉湛說司徒義康以為宮車一日晏駕

道濟不復可制

說翰芮翻復扶又翻下足復同

會帝疾篤義康言于帝

召道濟入朝其妻向氏謂道濟曰

姓譜祁姓之後為向國向式亮翻又如字

高世之勲自古所忌今無事相召禍其至矣既至留之

累月帝稍間

間如字

將遣還已下渚

道濟將還江州船已下秦淮渚

未發

會帝疾動義康矯詔召道濟入祖道因執之三月己未

下詔稱道濟潛散金貨招誘剽猾

誘音酉剽匹妙翻

因朕寢疾

規肆禍心收付廷尉并其子給事黃門侍郎植等十一

人誅之唯宥其孫孺

唯宥諸孫之在童孺者

又殺司空參軍薛彤

高進之二人皆道濟腹心有勇力時人比之關張

關羽張飛

也道濟見收憤怒目光如炬脫幘投地曰乃壞汝萬里

長城

壞音怪

魏人聞之喜曰道濟死吳子輩不足復憚

為後

魏人入寇帝 思道濟張本 庚申大赦以中軍將軍南譙王義宣為江

州刺史 辛未魏平東將軍娥清安西將軍古弼將精

騎一萬伐燕平州刺史拓跋嬰帥遼西諸軍會之

將即亮翻

騎奇寄翻帥讀曰率下同

氏王楊難當自稱大秦王改元建義立

妻為王后世子為太子置百官皆如天子之制然猶貢

奉宋魏不絕 夏四月魏娥清古弼攻燕白狼城克之

白狼縣漢屬右北平郡燕以白狼城為重鎮置并州魏後併入建德郡廣都縣有白狼山白狼水 高麗

遣其將葛盧孟光將衆數萬隨陽伊至和龍迎燕王

去

燕遣陽伊請迎于高麗

高麗屯于臨川

臨川在和龍城東

燕尚書令郭生

因民之憚遷開城門納魏兵

考異曰後魏古弼傳作大臣古泥今從十六國春秋

鈔魏人疑之不入生遂勒兵攻燕王王引高麗兵入自

東門與生戰于闕下生中流矢死

中竹仲翻

葛盧孟光入城

命軍士脫弊褐取燕武庫精仗以給之大掠城中五月

乙卯燕王帥龍城見戶東徙

帥讀曰率見賢遍翻馮氏歷二主二十八年而滅

焚宮殿火一旬不滅令婦人被甲居中陽伊等勒精兵

居外葛盧孟光帥騎殿後

被皮義翻殿丁甸翻

方軌而進前後八

十餘里古弼部將高苟子帥騎欲追之

將即亮翻帥讀日率騎奇寄翻

弼醉拔刀止之故燕王得逃去魏主聞之怒檻車徵弼

及娥清至平城皆黜為門卒戊午魏主遣散騎常侍封

撥使高麗

散悉亶翻騎奇寄翻使疏吏翻

令送燕王

丁卯魏主如河

西 六月詔寧朔將軍蕭汪之將兵討程道養軍至鄆

口

鄆江源出今潼川府銅山縣歷遂寧府長江縣而合于涪水謂之鄆口鄆音妻

帛氏奴請降

降戶翻

道養兵敗還入鄆山 赫連定之西遷也

事見上卷八年

楊難當遂據上邽秋七月魏主遣驃騎大將軍樂平王

丕尚書令劉黎督河西高平諸軍以討之先遣平東將

軍崔贍齎詔書諭難當

驃匹妙翻騎奇寄翻贍士革翻

魏散騎侍郎

游雅來聘

姓譜鄭公子偃字子游後以為氏魏為廣平望姓

已未零陵王太

妃褚氏卒追諡曰晉恭思皇后葬以晉禮八月魏主

畋于河西魏主遣廣平公張黎發定州兵一萬二千

通莎泉道

莎泉在靈丘魏收地形志靈丘郡有莎泉縣隋廢靈丘為縣併莎泉入焉莎素何翻

九月庚戌魏樂平王丕等至略陽楊難當懼請奉詔攝

上邽守兵還仇池諸將議以為不誅其豪帥

帥所類翻軍還

之後必相聚為亂又大衆遠出不有所掠無以充軍實
賞將士丕將從之中書侍郎高允參丕軍事諫曰如諸
將之謀是傷其向化之心大軍既還為亂必速丕乃止

還從宣翻
又如字

撫慰初附秋毫不犯秦隴遂安難當以其子

順為雍州刺史鎮下辨

雍於用翻
辨步莧翻

高麗不送燕王於

魏遣使奉表稱當與馮弘俱奉王化魏主以高麗違詔

議擊之將發隴右騎卒

麗力知翻使疏
吏翻騎奇寄翻

劉絜曰秦隴新

民且當優復

新民新附之民
也復方目翻

俟其饒實然後用之樂平

王丕曰和龍新定宜廣脩農桑以豐軍實然後進取則
高麗一舉可滅也魏主乃止 癸丑封皇子濬為始興
王駿為武陵王 冬十一月己酉魏主如柁陽柁音固驅
野馬於雲中置野馬苑閏月壬子還宮 初高祖克長

安

事見一百十八卷晉安帝義熙十三年

得古銅渾儀

渾儀本翻

狀雖舉不

綴七曜

日月五星謂之七曜

是歲詔太史令錢樂之更鑄渾儀徑

六尺八分以水轉之昏明中星與天相應

五春之月昏參中旦尾中

仲春之月昏弧中旦建星中季春之月昏七星中旦牽牛中孟夏之月昏翼中旦婺女中仲夏之月昏亢中旦

危中季夏之月昏火中旦奎中孟秋之月昏建星中旦
畢中仲秋之月昏牽牛中旦觜觿中季秋之月昏虛中
旦柳中孟冬之月昏危中旦七星中仲冬之月昏東
壁中旦軫中季冬之月昏箕中旦氐中更工衡翻

柔然與魏絕和親犯魏邊柔然與魏和見上卷八年吐谷渾惠王

慕瑣卒弟慕利延立瑣古回翻十四年春正月戊子魏北平

宣王長孫嵩卒長知兩翻辛卯大赦二月乙卯魏主如

幽州三月丁丑魏主以南平王渾為鎮東大將軍儀同

三司鎮和龍已卯還宮帝遣散騎常侍劉熙伯如魏

議納幣散悉竄翻騎奇寄翻會帝女亡而止魏請婚始上卷十年夏四月

趙廣張尋梁顯等各帥衆降別將王道恩斬程道養送

首餘黨悉平

九年趙廣等反今乃平帥讀曰率降戶江翻將即亮翻

丁未以輔國

將軍周籍之為益州刺史

魏主以民官多貪

郡守縣令親民

之夏五月己丑詔吏民得舉告守令不如法者於是姦

猾專求牧宰之失迫脇在位橫於閭里

橫戶孟翻

而長吏咸

降心待之貪縱如故

長知兩翻

丙申魏主如雲中

秋七

月戊子魏永昌王健等討山胡白龍餘黨于西河滅之

八月甲辰魏主如河西九月甲申還宮 丁酉魏主

遣使者拜吐谷渾王慕利延為鎮西大將軍儀同三司

改封西平王 冬十月癸卯魏主如雲中十一月壬申

還宮 魏主復遣散騎侍郎董琬高明等多齎金帛使

西域招撫九國

復扶又翻下不復為復同九國八貢見上卷十二年

琬等至烏孫

其王甚喜曰破落那者古二國

破落那漢大宛國也去代萬四千四百五十里

者古漢康居國也去代萬五千四百五十里

皆欲稱臣致貢于魏但無路自

致耳今使君宜過撫之乃遣導譯送琬詣破落那明詣

者舌旁國聞之爭遣使者隨琬等入貢凡十六國自是

每歲朝貢不絕

朝直
遙翻

魏主以其妹武威公主妻河西

王牧犍

妻七細翻
犍居言翻

河西王遣宋繇奉表詣平城謝且問

公主所宜稱魏主使羣臣議之皆曰母以子貴妻從夫

爵

春秋之義母以子貴禮
記婦人無爵從夫之爵

牧犍母宜稱河西國太后公

主於其國稱王后於京師則稱公主魏主從之初牧犍

娶涼武昭王之女及魏公主至李氏與其母尹氏遷居

酒泉頃之李氏卒尹氏撫之不哭曰汝國破家亡今死

晚矣牧犍之弟無諱鎮酒泉謂尹氏曰后諸孫在伊吾

李寶奔伊吾見一百十后欲就之乎尹氏未測其意給

九卷營陽王景平元年

之曰吾子孫漂蕩託身異域餘生無幾當死此不復為

檀表之鬼也未幾潛奔伊吾無諱遣騎追及之尹氏謂

追騎曰沮渠酒泉許吾歸北何為復追汝取吾首以往

吾不復還矣追騎不敢逼引還尹氏卒于伊吾

史言尹氏義烈

給蕩亥翻幾居宜翻復扶又翻騎奇寄翻卒子恆翻

牧捷遣將軍沮渠旁周入貢

于魏魏主遣侍中古弼尚書李順賜其侍臣衣服并徵

世子封壇入侍是歲牧捷遣封壇如魏亦遣使詣建康

使疏獻雜書及敦煌趙敗所撰甲寅元歷讀為斐魏書

作歐撰并求雜書數十種種章勇翻帝皆與之李順自河西

還魏主問之曰卿往年言取涼州之策朕以東方有事

未遑也今和龍已平吾欲即以此年西征可乎對曰臣

疇昔所言見上卷以今觀之私謂不謬然國家戎車屢

動士馬疲勞西征之議請俟他年魏主乃止

十五年春二月丁未以吐谷渾王慕利延為都督西秦

河沙三州諸軍事鎮西大將軍西秦河二州刺史隴西

王 三月癸未魏主詔罷沙門年五十以下者

以其強壯罷使

為民以從征役

初燕王弘至遼東高麗王璉遣使勞之曰

麗力

知翻璉力展翻使疏吏翻勞力到翻

龍城王馮君爰適野次士馬勞乎弘

慙怒稱制讓之高麗處之平郭

處昌呂翻

尋徙北豐弘素侮

高麗政刑賞罰猶如其國高麗乃奪其侍人取其太子

王仁為質

質音致

弘怨高麗遣使上表求迎上遣使者王

白駒等迎之并令高麗資遣高麗王不欲使弘南來遣

將孫漱高仇等殺弘于北豐并其子孫十餘人

果如楊崕之言

將即亮謚弘曰昭成皇帝白駒等帥所領七千餘人掩

翻下同討漱仇殺仇生擒漱高麗王以白駒等專殺遣使執送

之上以遠國不欲違其意下白駒等獄下遐已而原之

稼翻

夏四月納故黃門侍郎殷淳女為太子劬妃 五月

戊寅魏大赦 丙申魏主如五原秋七月自五原北伐

柔然命樂平王丕督十五將出東道永昌王徤督十五

將出西道魏主自出中道至浚稽山復分中道為二陳

留王崇從大澤向涿邪山魏主從浚稽北向天山西登

白阜

天山在漠北即唐鐵勒思結多濫葛所保之地非伊吾之折羅漫山也白阜疑即雪山復扶又翻邪

讀曰

不見柔然而還時漠北大旱無水草人馬多死

冬十一月丁卯朔日有食之 十二月丁巳魏主至平

城 豫章雷次宗好學

好呼到翻下同

隱居廬山

廬山在尋陽今在南康城

北十五里尋陽之南正面廬山

嘗徵為散騎侍郎不就是歲以處士徵

至建康為開館於雞籠山

雞籠山在臺城北郊散處翻騎奇寄翻處昌呂翻為于

偽翻

使聚徒教授帝雅好藝文使丹楊尹廬江何尚之立

玄學太子率更令何承天立史學

晉志太子率更令主宮殿門戶及賞罰事

職如光祿勳衛尉更工衙翻

司徒參軍謝元立文學并次宗儒學為

四學元靈運之從祖弟也帝數幸次宗學館今次宗以

巾構侍講

從才用翻數所角翻構古戾翻江南人士交際以為盛服蓋次于朝服毛脩之不肯以巾

構到殷景仁之門是也蜀註曰巾謂巾幘構謂單衣

資給甚厚又除給事中不就

久之還廬山

臣先曰易曰君子多識前言往行以畜其德

行下並翻易大

畜彖辭

孔子曰辭達而已矣

論語所記

然則史者儒之一端

文者儒之餘事至于老莊虛無固非所以為教也夫

學者所以求道天下無二道安有四學哉

帝性仁厚恭儉勤於為政守法而不峻容物而不弛百官皆久于其職守宰以六暮為斷吏不苟免民有所係

三十年間四境之內晏安無事戶口蕃息

斷丁亂翻蕃音煩

出

租供徭止於歲賦

歲賦常賦也言不額外取民

晨出暮歸自事而已

自適已事而已

閭閻之間講誦相聞士敦操尚鄉恥輕薄江左

風俗於斯為美後之言政治者皆稱元嘉焉

治直吏翻

十六年春正月庚寅司徒義康進位大將軍領司徒

漢自

以來大將軍位三公上司徒丞相
職也義康既進位猶領司徒職
南充州刺史江夏王

義恭進位司空

夏戶雅翻

魏主如定州

初高祖遺詔令

諸子次第居荊州臨川王義慶在荊州八年欲為之選

代

為于偽翻

其次應在南譙王義宣帝以義宣人才凡鄙置

不用二月己亥以衡陽王義季為都督荆湘等八州諸

軍事荊州刺史義季嘗春月出畋有老父被苦而耕被

義翻苦詩庶翻

左右斥之老父曰盤于遊畋古人所戒

夏太康以遊畋

失國周公以文王戒成王盤樂也

今陽和布氣一日不耕民失其時奈

何以從禽之樂而驅斥老農也

樂音洛

義季止馬曰賢者

也命賜之食辭曰大王不奪農時則境內之民皆飽大

王之食老夫何敢獨受大王之賜乎義季問其名不告

而退 三月魏雍州刺史葛那寇上洛

魏雍州刺史治長安此北上洛

也南上洛寄治魏興魏書官氏志內入諸姓賀葛氏改為葛氏雍於用翻

上洛太守鍾長生

棄郡走

鍾徐林翻

辛未魏主還宮

楊保宗與兄保顯自

童亭奔魏

保宗鎮童亭見上卷十二年

庚寅魏主以保宗為都督隴

西諸軍事征西大將軍開府儀同三司秦州牧武都王

鎮上邽妻以公主

妻七細翻

保顯為鎮西將軍晉壽公河

西王牧犍通于其嫂李氏兄弟三人傳嬖之

傳遮也以便辟得幸

曰嬖嬖卑義翻陸德明必計翻

李氏與牧犍之姊共毒魏公主

公主魏主妹也

魏主遣解毒醫乘傳救之得愈

傳知總翻

魏主徵李氏牧犍

不遣厚資給使居酒泉魏每遣使者詣西域

使疏吏翻下同常

詔牧犍發導護送出流沙使者自西域還至武威牧犍

左右有告魏使者曰我君承蠕蠕可汗妄言云

可從刊入聲汗

音去歲魏天子自來伐我士馬疫死大敗而還

還從宣翻又如

同字下我擒其長弟樂平王丕我君大喜宣言於國又聞

可汗遣使告西域諸國稱魏已削弱今天下唯我為彊

若更有魏使勿復供奉西域諸國頗有貳心復扶又翻下能復同

兩屬曰貳西域既貢奉魏又信柔然之言是有貳心使還具以狀聞魏主遣尚書

賀多羅使凉州觀虛實多羅還亦言牧捷雖外脩臣禮

內實乖悖悖蒲內翻又蒲沒翻魏主欲討之以問崔浩對曰牧捷

逆心已露不可不誅官軍往年北伐雖不克獲實無所

損戰馬三十萬匹計在道死傷不滿八千常歲羸死亦

不減萬匹

贏倫為翻

而遠方乘虛遽謂衰耗不能復振今出

其不意大軍猝至彼必駭擾不知所為擒之必矣魏主

曰善吾意亦以為然於是大集公卿議於西堂

魏平城太極殿

有東西堂

弘農王奚斤等三十餘人皆曰牧犍西垂下國雖

心不純臣然繼父位以來職貢不乏朝廷待以藩臣妻

以公主

妻七細翻

今其罪惡未彰宜加恕宥國家新征蠕蠕

蠕人充翻

士馬疲弊未可大舉且聞其土地鹵瘠

鹵地曰瘠

難得水草大軍既至彼必嬰城固守攻之不拔野無所

掠此危道也初崔浩惡尚書李順

代夏之役浩順有隙順以使涼為魏主所

寵侍浩愈惡之惡烏路翻

順使涼州凡十二返

使疏吏翻

魏主以為能涼

武宣王數與順遊宴

沮渠蒙遜諡武宣王數所角翻

對其羣下時為驕

慢之語恐順泄之隨以金寶納于順懷順亦為之隱

亦為

于偽翻

浩知之密以白魏主魏主未之信及議伐涼州順

與尚書古弼皆曰自溫園水以西至姑臧

據北史溫園水當作溫園

地皆枯石絕無水草彼人言姑臧城南天梯山上冬有

積雪深至丈餘春夏消釋下流成川居民引以溉灌彼

聞軍至決此渠口水必乏

絕彼人謂涼人也

環城百里之內

音環

宜

地不生草人馬饑渴難以久留斤等之議是也魏主

乃命浩與斤等相詰難衆無復他言但云彼無水草浩

曰漢書地理志稱涼州之畜為天下饒若無水草畜何

以蕃

詰去吉翻難乃旦翻復扶又翻下敢復同漢書地理志曰涼州土廣民稀水草宜畜牧故涼州之畜

為天下饒畜許救翻又許六翻蕃音繁

又漢人終不於無水草之地築城

郭建郡縣也且雪之消釋僅能斂塵何得通渠溉灌乎

此言大為欺誣矣

欺誣也誣詐也

李順曰耳聞不如目見吾嘗

目見何可共辨浩曰汝受人金錢欲為之遊說謂我目

不見便可欺邪帝隱聽聞之

為于偽翻說翰芮翻
隱聽者隱屏而聽也

乃出

見斤等辭色嚴厲羣臣不敢復言唯唯而已

唯于
癸翻

羣臣

既出振威將軍代人伊跋言於帝

跋蒲
撥翻

曰涼州若果無

水草彼何以為國衆議皆不可用宜從浩言帝善之夏

五月丁丑魏主治兵於西郊

治直
之翻

六月甲辰發平城使

侍中宜都王穆壽輔太子晃監國決留臺事內外聽焉

監工
衙翻

又使大將軍長樂王稽敬

稽敬北史作稽敬當從
之魏書官氏志北方諸

姓紀奚氏
改為嵇氏

輔國大將軍建寧王崇將二萬人屯漠南以

備柔然

王將即亮翻

命公卿為書以讓河西王牧犍數其十

二罪且曰若親帥羣臣委贄遠迎

數所具翻帥讀曰率古者執贄以見拜贄

首則委之於地起則取而進之此之謂委贄

謁拜馬首上策也六軍既臨面

縛輿櫬其次也若守迷窮城不時悛悟

櫬初觀翻悛丑緣翻

身死

族滅為世大戮宜思厥中自求多福

己酉改封隴西

王吐谷渾慕利延為河南王

魏主自雲中濟河秋七

月己巳至上郡屬國城

漢置屬國於邊郡以處降胡此屬國城漢舊城也班書地理志

上郡龜茲縣屬國都尉治

壬午留輜重部分諸軍

重直用翻分扶問翻

使撫軍

大將軍永昌王健尚書令劉絜與常山王素為前鋒兩

道並進驃騎大將軍樂平王丕太宰陽平王杜超為後

繼

驃騎奇寄翻

以平西將軍源賀為鄉導

鄉讀曰嚮

魏主問賀

以取涼州方略對曰姑臧城旁有四部鮮卑皆臣祖父

舊民

秃髮解檀據姑臧既而為沮渠所取有四部鮮卑留居城外賀傳檀之子也

臣願處軍

前

處呂翻

宣國威信示以禍福必相帥歸命

帥讀曰率

外援既

服然後取其孤城如反掌耳魏主曰善八月甲午永昌

王健獲河西畜產二十餘萬河西王牧捷聞有魏師驚

曰何為乃爾用左丞姚定國計不肯出迎求救于柔然

遣其弟征南大將軍董來將兵萬餘人出戰於城南

將來將

即亮翻

望風奔潰劉絜用卜者言以為日辰不利斂兵不

追董來遂得入城魏主由是怒之

為魏誅劉絜張本

丙申魏主

至姑臧遣使諭牧捷令出降

使疏吏翻降戶江翻

牧捷聞柔然欲

入魏邊為寇冀幸魏主東還遂嬰城固守其兄子祖踰

城出降魏主具知其情乃分軍圍之源賀引兵招慰諸

部下三萬餘落故魏主得專攻姑臧無復外慮

復扶又翻下不

復同魏主見姑臧城外水草豐饒由是恨李順謂崔浩曰

卿之昔言今果驗矣

自是魏主決意誅李順矣

對曰臣之言不敢不

實類皆如此魏主之將伐涼州也太子晃亦以為疑至

是魏主賜太子詔曰姑臧城西門外涌泉合於城北其

大如河自餘溝渠流入漠中其間乃無燥地故有此敕

以釋汝疑

庚子立皇子鐸為南平王

鐸書藥翻

九月丙

戌河西王牧健兄子萬年帥所領降魏

氏胡傳曰茂虔

考異曰宋書

兄子萬年為虜內應茂虔見執今從姑臧城潰牧捷帥

其文武五千人面縛請降魏主釋其縛而禮之收其城

內戶口二十餘萬倉庫珍寶不可勝計使張掖王禿髮

保周

保周奔魏封張掖公今進為王保周源賀之兄也勝音升

龍驤將軍穆羆

驤思將翻

安遠將軍源賀分徇諸郡雜胡降者又數十萬初牧捷

以其弟無諱為沙州刺史都督建康以西諸軍事領酒

泉太守宜得為秦州刺史都督丹嶺以西諸軍事領張

掖太守

丹嶺在姑臧西即刪丹嶺

安周為樂都太守

乞伏衰滅樂都亦為沮渠所有

樂音洛考異曰宋書宜得作儀從弟唐兒為敦煌太

守從才用翻及姑臧破魏主遣鎮南將軍代人奚眷擊

張掖鎮北將軍封沓擊樂都宜得燒倉庫西奔酒泉安

周南奔吐谷渾封沓掠數千戶而還還從宣翻奚眷進

攻酒泉無諱宜得收遺民奔晉昌遂就唐兒於敦煌魏

主使弋陽公元絜守酒泉及武威張掖皆置將守之即將

亮魏主置酒姑臧謂羣臣曰崔公知略有餘吾不復以

為奇復扶伊馘弓馬之士而所見乃與崔公同深可奇

也。馘善射，能曳牛，却行走及奔馬，而性忠謹。故魏主特

愛之。魏主之西伐也，穆壽送至河上。

自平城送魏主西至河

魏主

敕之曰：「吳提與牧捷相結，素深聞朕討牧捷，吳提必犯

塞。

柔然敕連可汗名吳提

朕故留壯兵肥馬，使卿輔佐太子收田

既畢，即發兵詣漠南分伏要害，以待虜至，引使深入。然

後擊之，無不克矣。涼州路遠，朕不得救卿，勿違朕言。壽

頓首受命。壽雅信中書博士公孫質，以為謀主。壽質皆

信卜筮，以為柔然必不來，不為之備。質執之弟也。

公孫軌見

一百二十
卷四年

柔然敕連可汗聞魏主向姑臧乘虛入寇留

其兄乞列歸與嵇敬建寧王崇相拒于北鎮

北鎮即魏主破降高

車所置六鎮也以在平城之北故曰北鎮或曰北鎮直代都北即懷朔鎮

自帥精騎深入

帥讀

曰率騎奇寄翻

至善無七介山平城大駭民爭走中城

走音奏

穆

壽不知所為欲塞西郭門

塞悉則翻

請太子避保南山實太

后不聽而止

實太后即保太后

遣司空長孫道生征北大將軍

張黎拒之於吐頽山會嵇敬建寧王崇擊破乞列歸於

陰山之北擒之并其伯父他吾無鹿胡及將帥五百人

將即亮翻
帥所類翻

斬首萬餘級，敕連聞之遁去，追至漠南而還。

冬十月辛酉，魏主東還，留樂平王丕及征西將軍賀多

羅鎮涼州，徙沮渠牧犍宗族及吏民三萬戶于平城。

考

異曰：十六國春秋鈔云：十萬戶，今從後魏書。

癸亥，禿髮保周帥諸部鮮卑

據張掖叛魏。

帥讀曰率。

十二月乙亥，太子劭加元服，大赦。

劭美鬚眉，好讀書，便弓馬，喜延賓客。

好呼到翻，喜許記，翻下尤喜同。意

之所欲，上必從之。東宮置兵與羽林等。

師古曰：羽林宿衛之官，言其如

羽之疾如林之多也。為郡以東宮兵弑逆，張本。

壬午，魏主至平城，以柔然入

寇無大失亡故穆壽等得不誅魏主猶以妹婿待沮渠

牧捷征西大將軍河西王如故牧捷母卒葬以太妃之

禮武宣王置守冢三十家

為沮渠蒙遜置守冢

涼州自張氏以來

號為多士

永嘉之亂中州之人土避地河西張氏禮而用之子孫相承衣冠不墜故涼州號為多士

沮渠牧捷尤喜文學以敦煌閼駟為姑臧太守

敦煌門閼苦

音因 張湛為兵部尚書

曹魏置五兵尚書據此

則兵部之號起于河西 劉昞

索敞陰興為國師助教金城宋欽為世子洗馬

索昔各翻洗悉

薦趙柔為金部郎

曹魏置二十三郎金部其一也主財帛委輸

廣平程駿駿

從弟弘為世子侍講

從才用翻

魏主克涼州皆禮而用之以

關駟劉昺為樂平王丕從事中郎安定胡叟少有俊才

少詩照翻

往從牧捷牧捷不甚重之叟謂程弘曰貴主居僻

陋之國而淫名僭禮以小事大而心不純壹外慕仁義

而實無道德其亡可翹足待也吾將擇木

左傳衛孔文子將攻太叔

疾訪於仲尼仲尼曰甲兵之事未之學也退命駕而行曰鳥則擇木木豈能擇鳥

先集于魏與

子暫違非久闊也遂適魏歲餘而牧捷敗魏主以叟為

先識拜虎威將軍賜爵始復男

按地名無始復漢書地理志越巂郡有姑復縣

或者始字其姑字之誤乎

河內常爽世寓涼州不受禮命魏主以為

宣威將軍河西右相宋繇從魏主至平城而卒

相息亮翻卒子

恤翻魏主以索敞為中書博士時魏朝方尚武功

朝直貴遜翻

遊子弟不以講學為意

鄭玄曰貴遊子弟王公之子弟遊無官司者

敞為博

士十餘年勤於誘導肅而有禮

誘音酉

貴遊皆嚴憚之多

所成立前後顯達至尚書牧守者數十人

守手又翻

常爽置

館於溫水之右

水經註桑乾城西十里有溫湯

教授七百餘人爽立賞

罰之科弟子事之如嚴君由是魏之儒風始振高允每

稱真訓厲有方曰文翁柔勝先生剛克

漢景帝末文翁為蜀郡守仁愛

好教化選郡縣小吏開敏有才者詣京師受業博士又修起學宮于成都市中招下縣子弟為學官弟子為除更繇由是文化至今巴蜀好儒雅文翁之教也克亦勝也言文翁以柔勝而常真以剛勝也

立教雖

殊成人一也陳留江強寓居涼州獻經史諸子千餘卷

及書法亦拜中書博士

魏延昌三年強孫式上表曰臣聞伏羲氏作而八卦形其畫軒

轅氏興而靈龜彰其彩古史倉頡覽二象之文觀鳥獸之迹別初文字以代結繩用書契以維事迄于三代厥體頗異雖依類取制未能違倉氏矣故周禮八歲入小學保氏教以六書蓋是史頡之遺法及宣王太史史籀著大篆十五篇與古文或同或異時書謂之籀書孔子脩六經左丘明述春秋皆以古文厥意可得而言其後

七國殊軌文字乖引暨秦兼天下丞相李斯乃奏蠲罷不合秦文者斯作倉頡篇車府令高作爰歷篇太史令胡毋敬作博學篇皆取史籀式頗有省改所謂小篆者也於是秦燒經書滌除舊典官獄煩多以趣簡易始用隸書古文自此息矣隸書者始皇使下杜人程邈附于小篆所作也世人以邈徒隸即謂之隸書故秦有八體一曰大篆二曰小篆三曰符書四曰蟲書五曰摹印六曰署書七曰殳書八曰隸書漢興有尉律學復教以籀書又習八體試之課最以為尚書史書省字不正輒舉劾焉又有草書莫知誰始其形書雖無厭誼亦一時之變通也孝宣時召通倉頡讀者獨張敞從受之涼州刺史杜業沛人爰禮講學大夫秦近亦能言之孝平時徵禮等百餘人說文字於未央宮中以禮為小學元士黃門侍郎揚雄採以作訓纂篇及亡新居攝自以運應制作使大司馬甄豐校文字之部頗改定古文時有六書一曰古文孔子壁中書也二曰奇字即古文而異者三

曰篆書云小篆也四曰佐書秦隸書也五曰繆篆所以
篆印也六曰鳥蟲所以書旂信也壁中書者魯恭王壞
孔子宅而得尚書春秋論語孝經也又北平侯張蒼獻
春秋左氏傳書體與孔氏相類即前代之古文矣後漢
扶風曹喜號曰工篆小異斯法而甚精巧自是後學皆
其法也又詔侍中賈逵脩理舊文殊藝異術王教一端
苟有可以加于國者靡不悉集逵即汝南許慎古學之
師也後慎嗟時人之好奇歎俗儒之穿鑿故撰說文解
字十五篇首一終立各有部屬可謂類聚羣分雜而不
越文質彬彬最可得而論也左中郎將蔡邕採李斯曹
喜之法以為古今雜形詔于太學立石碑刊載五經題
書楷法多是邕書也後開鴻都書畫奇能莫不雲集特
諸方獻篆無出邕者魏初博士清河張揖著埤蒼廣雅
古今字詁方之許篇古今體用或得或失陳留邯鄲淳
亦與揖同博聞古藝特善蒼雅許氏字指八體六書精
究厥理有名於揖以書教諸皇子又建三字石經於漢

碑西其文蔚煥三體復宣敞之說文篆隸大同而古字
小異又有京兆韋誕河東衛覲二家並號能篆當時臺
觀牋題寶器之銘悉是誕書咸傳之子孫世稱其妙晉
世呂忱表上字林六卷尋其況趣附託詐慎說文而按
偶章句隱別古籀奇惑之字文得正隸不差篆意也惟
弟靜別倣故左校令李登聲類之法作韻集五卷使宮
商角徵羽各為一篇而文字與兄便是魯衛音讀楚夏
時有不同皇魏承百王之季紹五運之緒世易風移文
字改變篆形謬錯隸體失真俗學鄙習復加虛造巧談
辨士以意為疑炫惑于時難以釐改乃曰追來為歸巧
言為辯小兒為醜神虫為蠶如斯甚衆皆不合孔氏古
書史籀大篆許氏說文石經三字也嗟夫文字者六籍
之宗王教之始前人所以垂令今人所以識古臣六世
祖瓊家世陳留住晉之初與從父兄皆受學于衛覲古
篆之法蒼雅方言說文之詠當時並收善譽而祖遇洛
陽之亂避地河西數世傳習斯業所以不墜也世祖大

延中牧犍內附臣亡祖文威杖策歸國奉獻五世傳掌
之書古篆八體之法時蒙褒錄叙列于儒林官班文省
家號世業臣藉六世之資奉遵祖考之訓切慕古人之
軌企踐儒門之轍求撰集古來文字以許慎說文為主
及孔氏尚書五經音註竊篇爾雅三蒼凡將方言通俗
文祖文宗碑篆廣雅古今字詁三字石經字林韻集諸
賦文字有六書之誼者以類編聯文無複重統為一部
其石籀奇惑俗隸諸體咸使班于篆下各有區別訓詁
假借之誼隨文而解音讀楚夏之聲逐字而註其所不
知則闕如也冀省百氏之觀而同文字之域詔如所請
中書自曹魏置監令以來未嘗魏主命崔浩監秘書事
置博士蓋拓拔氏初置是官也
監工
銜翻
綜理史職以中書侍郎高允散騎侍郎張偉參典
著作
曹魏明帝景初初中書改置監令又置通事
郎及晉改曰中書侍郎散丞置翻騎奇寄翻浩啟

稱殷仲達段承根涼土美才請同修國史皆除著作郎

仲達武威人承根暉之子也

段暉事乞伏熾
盤慕末父子

浩集諸歷

家考校漢元以來日月薄食五星行度

漢元漢
初也

并譏前

史之失別為魏歷以示高允允曰漢元年十月五星聚

東井

見九卷漢高
帝元年考異

此乃歷術之淺事今譏漢史而不覺

此謬恐後人之譏今猶今之譏古也浩曰所謬云何允

曰案星傳太白辰星常附日而行十月日在尾箕

孟冬
之月

日在尾言在尾箕者竟
一月言之也傳直應翻

昏没于申南而東井方出于寅

北二星何得背日而行

背蒲妹翻

是史官欲神其事不復推

之於理也

復如字又扶又翻

浩曰天文欲為變者何所不可邪

允曰此不可以空言爭宜更審之坐者咸怪允之言唯

東宮少傅游雅曰

東宮少傅即太子少傅少詩照翻

高君精於歷數當

不虛也後歲餘浩謂允曰先所論者本不經心及更考

究果如君言五星乃以前三月聚東井非十月也衆乃

歎服允雖明歷初不推步及為人論說

為子偽翻

唯游雅知

之雅數以災異問允

數所角翻

允曰陰陽災異知之甚難既

已知之復恐漏泄

復扶又翻

不如不知也天下妙理至多何

以問此雅乃止魏主問允為政何先時魏多封禁良田

允曰臣少賤

允自言其少也賤少詩照翻

唯知農事若國家廣田積

穀公私有脩則飢饉不足憂矣帝乃命悉除田禁以賦

百姓吐谷渾王慕利延聞魏克涼州大懼帥衆西遁

踰沙漠

帥讀曰率

魏主以其兄慕瓚有擒赫連定之功

事見上卷

遣使撫諭之

使疏吏翻

慕利延乃還故地

氏王楊難當

將兵數萬寇魏上邽

將即亮翻下同

秦州人多應之東平呂羅

漢說鎮將拓跋意頭曰難當衆盛今不出戰示之以弱

衆情離沮不可守也意頭遣羅漢將精騎千餘出衝難

當陳所向披靡

說翰芮翻陳讀曰陣披善彼翻

殺其左右騎八人難當

大驚會魏主以璽書責讓難當

單斯氏翻

難當引還仇池

南豐太妃司馬氏卒故營陽王之后也

九年帝以江夏王義恭子朗為

南豐王奉營陽王祀以后為南豐太妃

趙廣張尋等復謀反伏誅

十四年廣

尋降至建康復謀反復扶又翻下復能復那不復無復同

十七年春正月己酉沮渠無諱寇魏酒泉元絜輕之出

城與語壬子無諱執紼以圍酒泉 二月魏假通直常

侍邢穎來聘

散騎常侍秦官也曹魏未增置負外散騎常侍晉武帝泰始十年使負外二人與散

騎常侍通直故謂之通直散騎常侍穎假以出使非正官也

三月沮渠無諱拔酒

泉 夏四月戊午朔日有食之 庚辰沮渠無諱寇魏

張掖禿髮保周屯刪丹

刪丹縣漢屬張掖郡後分屬西郡唐屬甘州居延海在縣界

丙戌魏主遣撫軍大將軍永昌王健督諸將討之

將即禿翻

司徒義康專總朝權上羸疾積年

羸倫為翻

心勞輒發屢

至危殆義康盡心營奉藥石非口所親嘗不進或連夕

不寐內外衆事皆專決施行性好吏職

好呼到翻
下好於同糾剔

文案莫不精盡上由是多委以事凡所陳奏入無不可

方伯以下並令義康選用生殺大事或以錄命斷之

義康

錄尚書故謂其命
為錄命斷丁亂翻

勢傾遠近朝野輻湊每旦府門常有

車數百乘

朝直遙翻
乘繩證翻

義康傾身引接未嘗懈倦復能強

記耳目所經終身不忘好于稠人廣席標題所憶以示

聰明士之幹練者多被意遇

懈古臨翻復扶又翻下
同好呼到翻被皮義翻嘗

謂劉湛曰王敬弘王球之屬竟何所堪坐取富貴復那

可解

王敬弘恬淡有重名王球簡貴虛靜皆以門望然位八坐不以文接關心故義康云然解戶買翻

素無學術不識大體朝士有才用者皆引入已府府僚

無施及忤旨者乃斥為臺官

晉宋以來謂天朝為天臺忤五故翻

自謂兄

弟至親不復存君臣形迹率心而行曾無猜防私置僮

六千餘人不以言臺四方獻饋皆以上品薦義康而以

次者供御上嘗冬月噉甘

甘似橘而巨其皮黃於橘其味甘於橘

歎其形

味並劣義康曰今年甘殊有佳者遣人還東府取甘大

供御者三寸領軍劉湛與僕射殷景仁有隙

事見上卷十二年

湛欲倚義康之重以傾之義康權勢已盛湛愈推崇之

無復人臣之禮上浸不能平湛初入朝上恩禮甚厚湛

善論治道諳前代故事叙致銓理

致極致也理文理也言叙其極致又銓次

其文理也治直吏翻諳烏含翻

聽者忘疲每入雲龍門御者即解駕左

右及羽儀隨意分散不夕不出以此為常及晚節驅煽

義康

馬方走而疾其鞭策曰驅火方熾而鼓其氣馘曰煽

上意雖內離而接遇不

改嘗謂所親曰劉班方自西還宮與語常視日早晚慮

其將去比入吾亦視日早晚苦其不去

湛小字班虎故稱之為班比毗

至翻
近也

殷景仁密言於上曰相王權重非社稷計宜少加

裁抑

相息亮翻
少詩沼翻

上陰然之司徒左長史劉斌湛之宗也

斌音
彬

大將軍從事中郎王履謚之孫也

王謚識武帝於
微時晉宋之際

位任
通顯

及主簿劉敬文祭酒魯郡孔胤秀皆以傾諂有寵

于義康見上多疾皆謂宮車一日晏駕宜立長君

長知
兩翻

上嘗疾篤使義康具顧命詔義康還省流涕以告湛及

景仁湛曰天下艱難詎是幼主所御義康景仁並不答

考異曰南史以為義康有此言湛景仁並不答按義
康雖不識大體豈敢自為此言湛常欲推崇義康豈肯

聞而不答今從宋書及宋略

而庾秀等輒就尚書議曹索晉咸康末

立康帝舊事

議曹南史作儀曹當從之曹魏置二十三郎儀曹其一也立康帝事見九十七卷索

山客

義康不知也及上疾瘳微聞之

瘳丑留翻

而斌等密謀

欲使大業終歸義康遂邀結朋黨伺察禁省

伺相吏翻

有不

與已同者必百方構陷之又採拾景仁短長或虛造異

同以告湛自是主相之勢分矣

相息亮翻

義康欲以劉斌為

丹楊尹

斌音彬

言次啟上陳其家貧言未卒

卒子恤翻

上曰以

為吳郡後會稽太守羊玄保求還

會工外翻

義康又欲以斌

代之啟上曰羊玄保求還不審以誰為會稽上時未有

所擬倉猝曰我已用王鴻自去年秋上不復往東府

史言

帝已疎忌義廉而義廉貪惡權勢惑于附麗者不能引退復扶又翻下同

五月癸巳劉湛遭

母憂去職湛自知罪疊已彰無復全地

豐許觀翻

謂所親曰

今年必敗常日正賴口舌爭之故得推遷耳今既窮毒

謂母子相訣則人理窮而罹荼毒也

無復此望禍至其能久乎

考異曰南史云湛

伏甲於室以俟上臨弔謀又泄竟弗之幸宋書無此事按湛若謀泄帝即伏誅豈得尚延半歲今從宋書

乙巳沮渠無諱復圍張掖不克退保臨松

臨松郡臨松縣常是沮渠

氏所置後字大周廢入張掖復扶又翻下同

魏主不復加討但以詔諭之

六月丁丑魏皇孫濬生大赦改元太平真君取寇謙之

神書云輔佐北方太平真君故也

寇謙之神書見一百十九卷營陽王景平

元年

太子劭詣京口拜京陵司徒義康竟陵王誕等並

從

從才用翻

南充州刺史江夏王義恭自江都會之

夏戶雅翻

秋七月己丑魏永昌王健擊破禿髮保周于番禾保周

走遣安南將軍尉眷追之

番音盤尉紆勿翻

丙申魏太后竇

氏殂壬子皇后袁氏殂

太子邵弒逆之心萌於此矣

癸丑禿髮

保周窮迫自殺八月甲申沮渠無諱使其巾尉梁偉詣

魏永昌王健請降

降戶江翻

歸酒泉郡及所虜將士元絜等

魏主使尉眷留鎮涼州

九月壬子葬元皇后

上以

司徒彭城王義康嫌隙已著將成禍亂冬十月戊申收

劉湛付廷尉下詔暴其罪惡就獄誅之并誅其子黯亮

儼及其黨劉斌劉敬文孔胤秀等八人徙尚書庫部郎

何默子等五人於廣州

曹魏置尚書三郎庫部其一也

因大赦是日

敕義康入宿留止中書省其夕分收湛等青州刺史杜

驥勒兵殿內以備非常遣人宣旨告義康以湛等罪狀

義康上表遜位詔以義康為江州刺史侍中大將軍如

故出鎮豫章初殷景仁卧疾五年

景仁卧疾始上卷十二年

雖不見

上而密函去來日以十數朝政大小必以咨之

朝直送翻影

迹周密莫有窺其際者收湛之日景仁使拂拭衣冠左

右皆不曉其意其夜上出華林園延賢堂召景仁景仁

猶稱脚疾以小牀輿就坐誅討處分一以委之

坐徂卧翻處昌

初檀道濟薦吳興沈慶之忠謹曉兵上使領隊

呂翻分扶問翻

防東掖門劉湛為領軍嘗謂之曰卿在省歲久比當相

論

省謂領軍省比毗寐
翻謂常為之論叙也

慶之正色曰下官在省十年自

應得轉不復以此仰累

復扶又翻下
同累力瑞翻

收湛之夕上開門

召慶之慶之戎服縛袴而入上曰卿何意乃爾急裝慶

之曰夜半喚隊主

江南軍制呼長帥為隊主軍主隊主
者主一隊之稱軍主者主一軍之稱

不容緩服

史言沈慶
之有識畧

上遣慶之收劉斌殺之驍騎將軍

徐湛之達之之子也

徐達之武帝愛婿死于司馬楚之
魯宗之之難驍堅亮翻騎奇寄翻

與義康尤親厚上深銜之義康敗湛之被收罪常死其

母會稽公主於兄弟為長嫡

被皮義翻會工外翻長知兩翻

素為上所

禮家事大小必咨而後行高祖微時嘗自于新洲伐荻

有納布衫襖

納與同

臧皇后手所作也既貴以付公主曰

後世有驕奢不節可以此衣示之至是公主入宮見上

號哭不復施臣妾之禮以錦囊盛納衣擲地

號戶高翻盛時征翻

曰汝家本貧賤此是我母為汝父所作

為于偽翻下右為嘗為同

今

日得一飽餐遽欲殺我兒邪上乃赦之吏部尚書王球

履之叔父也以簡淡有美名為上所重履性進利

言履務進

而好利也

深結義康及湛球屢戒之不從誅湛之夕履徒跣

告球

跣先典翻

球命左右為取履先溫酒與之謂曰常日語

汝云何

語牛倨翻

履怖懼不得答

怖普布翻

球徐曰阿父在汝亦

何憂

江南人士呼叔父為阿父為阿父為伯父叔父者以自呼阿烏葛翻

上以球故履得

免死廢於家

據南史帝初為宜都王以球為友簡淡見重蓋素知之也

義康方用事

人爭求親暱

暱尼質翻

唯司徒主簿江湛早能自疎求出為

武陵內史檀道濟嘗為其子求婚于湛湛固辭道濟因

義康以請之湛拒之愈堅故不染于二公之難

難乃上旦翻

聞而嘉之湛夷之子也

江夷嚮用於元嘉之初

彭城王義康停省

十餘日見上奉辭便下渚上惟對之慟哭餘無所言上

遣沙門慧琳視之義康曰弟子有還理不

不讀曰否

慧琳曰

恨公不讀數百卷書初吳興太守謝述裕之弟也

謝裕見一

百十五卷晉安帝義熙五年

累佐義康數有規益早卒

義康鎮江陵述為驃騎長

史南郡太守義康入相又為司徒左長史數所角翻

義康將南

將自建康南徙豫章

歎曰昔

謝述惟勸吾退劉班惟勸吾進今班存而述死其敗也

宜哉上亦曰謝述若存義康必不至此以征虜司馬蕭

斌為義康諮議參軍領豫章太守事無大小皆以委之

斌募之子也

蕭募之見上卷十二年

使龍驤將軍蕭承之將兵

防守

驤思將翻之將即亮翻

義康左右愛念者並聽隨從

從才用翻資

奉優厚信賜相係朝廷大事皆報示之久之上就會稽

公主宴集甚懽主起再拜叩頭悲不自勝

勝音升

上不曉

其意自起扶之主曰車子歲暮必不為陛下所容今特

請其命

義康小字車子

因慟哭上亦流涕指蔣山曰必無此慮

若違今誓便是負初寧陵

高祖葬初寧陵在蔣山

即封所飲酒賜

義康并書曰會稽姊飲宴憶弟所餘酒今封送故終主

之身義康得無恙

恙余亮翻

臣先曰文帝之於義康友愛之情其始非不隆也終

于失兄弟之歡虧君臣之義迹其亂階正由劉湛權

利之心無有厭已

厭於鹽翻

詩云貪人敗類

尚良夫桑柔之詩敗補邁

翻其是之謂乎

徵南兖州刺史江夏王義恭為司徒錄尚書事戊寅以
臨川王義慶為南兖州刺史殷景仁為揚州刺史僕射

吏部尚書如故義恭懲彭城之敗雖為總錄奉行文書

而已上乃安之

彭城義康也

上年給相府錢二十萬他物稱

此

相息亮翻稱尺證翻

而義恭性奢用常不足上又別給錢年至

千萬十一月丁亥魏主如山北殷景仁既拜揚州

羸疾遂篤

羸倫為翻

上為之敕西州道上不得有車聲

偽為翻

揚州治所在建康臺城西故謂之西州宋白曰秣陵縣秦屬鄣郡丹楊圖云自句容以西屬鄣郡以東屬會稽郡武帝元封二年改鄣郡為丹楊郡置揚州刺史理秣陵西州橋治城之間是其理處劉繇為揚州刺史始移

理曲阿孫策號此為西州

癸丑卒

辛子恤翻

十二月癸亥以光祿大夫王

球為僕射戊辰以始興王濬為揚州刺史時濬尚幼州

事悉委後軍長史范曄主簿沈璞曄泰之子璞林子之

子也

范泰為高祖所賞愛林子從高祖為將有功

曄尋遷左衛將軍以吏部

郎沈演之為右衛將軍對掌禁旅又以庾炳之為吏部

郎俱參機密演之勁之曾孫也

沈勁守死于洛陽以雪父充為逆之罪曄

有雋才而薄情淺行數犯名教為士流所鄙

行下孟翻數所角翻

性躁競自謂才用不盡常怏怏不得志

為後范曄謀亂張本吏部

尚書何尚之言于帝曰范曄志趨異常

趨與趣同請出

為廣州刺史若在內豐成不得不加鈇鉞鈇鉞亟行豐

許

觀翻亟
區記翻

非國家之美也帝曰始誅劉湛復遷范曄

復扶
又翻

下復
稱同

人將謂卿等不能容才朕信受讒言但共知其如

此無能為害也是歲魏寧南將軍王慧龍卒呂玄伯

留守其墓終身不去

慧龍不殺玄伯
見上卷八年

魏主欲以伊馘

為尚書封郡公馘辭曰尚書務殷公爵至重非臣年少

愚近所宜膺受

馘蒲撥翻
少詩照翻

帝問其所欲對曰中祕二省

多諸文士

中祕謂中書
省祕書省也

若恩矜不已請參其次帝善之

以為中護軍將軍祕書監 大秦王楊難當復稱武都

王

十三年難當
自稱大秦王

十八年春正月癸卯魏以沮渠無諱為征西大將軍涼

州牧酒泉王

彭城王義康至豫章辭刺史

辭江州刺史也

甲

辰以義康都督江交廣三州諸軍事前龍驤參軍巴東

扶令育詣闕上表

驤思將翻
扶姓也

稱昔袁盎諫漢文帝曰淮

南王若道路遇霜露死陛下有殺弟之名文帝不用追

悔無及

見十四卷
文帝六年

彭城王義康先朝之愛子

朝直

陛下

之次弟若有迷謬之愆正可數之以善惡

數所具翻

導之以

義方奈何信疑似之嫌一旦黜削遠送南垂草萊黔首

皆為陛下痛之

為于偽翻下竊為同

廬陵往事足為龜鑑

見百二十卷元

年恐義康年窮命盡奄忽于南臣雖微賤竊為陛下羞

之陛下徒知惡枝之宜伐豈知伐枝之傷樹伏願亟召

義康返于京甸兄弟協和君臣輯睦則四海之望塞多

言之路絕矣

塞悲則翻

何必司徒公揚州牧然後可以置彭

城王哉若臣所言於國為非請伏重誅以謝陛下表奏

即收付建康獄賜死

裴子野論曰夫在上為善若雲行雨施

施式智翻

萬物受

其賜及其惡也若天裂地震萬物所驚駭其誰弗知其誰弗見豈戮一人之身鉗一夫之口所能攘逃所

能弭滅哉是皆不勝其忿怒而有增于疾疹也

勝音升疹

丑月翻

以太祖之舍弘尚掩耳于彭城之戮自斯以後

誰易由言

鄭玄曰由用也易以政翻

有宗累葉罕聞直諒豈骨鯁

之氣俗愧前古抑時王刑政使之然乎張約隕于權

臣

事見百二十卷元年

扶育斃于哲后宋之鼎鑊吁可畏哉

魏新興王俊荒淫不法三月庚戌降爵為公俊母先得

罪死俊積怨望有逆謀事覺賜死 辛亥魏賜郁久閭

乞列歸爵為朔方王沮渠萬年為張掖王

十六年魏擒乞列歸沮渠

萬年亦以是年以姑臧降魏

夏四月沮渠唐兒叛沮渠無諱無諱

留從弟天周守酒泉

從才用翻

與弟宜得引兵擊唐兒唐兒

敗死魏以無諱終為邊患庚辰遣鎮南將軍奚眷擊酒

泉 秋八月辛亥魏遣散騎侍郎張偉來聘 九月戊

戊魏永昌王健卒 冬十一月戊子王球卒己亥以丹

楊尹孟顗為尚書僕射

顗魚豎翻

酒泉城中食盡萬餘口

皆餓死沮渠天周殺妻以食戰士

食祥吏翻

庚子魏奚眷拔

酒泉獲天周送平城殺之沮渠無諱乏食且畏魏兵之

盛乃謀西度流沙遣其弟安周西擊鄯善鄯善王欲降

鄯上扇翻
降戶江翻

會魏使者至勸令拒守安周不能克退保東

城鄯善國之東城也

氏王楊難當傾國入寇謀據蜀土遣其

建忠將軍苻冲出東洛以禦梁州兵

五代志義城郡景谷縣舊白水縣也

後周省東洛郡入馬子按白水縣漢屬廣漢
晉屬梓潼時屬晉壽則東洛在晉壽界也

梁秦二州

刺史劉真道擊冲斬之真道懷敬之子也

劉懷敬見一百一十一卷

晉安帝隆安三年

難當攻拔葭萌獲晉壽太守申坦遂圍涪城

涪音浮

巴西梓潼二郡太守劉道錫嬰城固守難當攻之

十餘日不克乃還道錫道產之弟也十二月癸亥詔龍

驤將軍裴方明等帥甲士三千人又發荊雍二州兵以

討難當皆受劉真道節度

裴方明益州之良將也程道養趙廣之亂屢有戰功故用

之為明年平仇池張本驤思將翻帥讀曰率雍於川翻

晉寧太守爨松子反寧

州刺史徐循討平之

晉惠帝永安二年分建寧西七縣為益州郡至懷帝更名晉寧郡

天門蠻田向求等反破淩中

沈約曰淩中縣二漢無晉太康地志有疑是吳

立屬天門郡
淩郎侯嗣

荊州刺史衡陽王義季遣行參軍曹孫念

討破之

魏寇謙之言於魏主曰今陛下以真君御世

建靜輪天宮

之法開古以來未之有也應登受符書以

彰聖德帝從之

資治通鑑卷一百二十三

欽定四庫全書

史部

資治通鑑卷一百二十四
五四

詳校官修撰臣錢 榮

洗馬臣王坦修覆勘

總校官知縣臣楊懋珩

校對官中書臣葉 蘭

謄錄監生臣汪兆鼎

欽定四庫全書

資治通鑑卷一百二十四

宋

司馬光 撰

胡三省 音註

宋紀六

起玄默數將盡宋兆閏戊凡五年

太祖文皇帝中之中

元嘉十九年春正月甲申魏主備法駕詣道壇受符籙

旗幟盡青自是每帝即位皆受籙

此所受者今道士所謂法籙也隋志曰道

士受道之法初受五千文籙次受三洞籙次受洞玄籙次受上清籙籙皆素書紀諸天曹官屬佐吏之名又有

諸符錯在其間文章詭
怪世所不識錄龍玉翻

謙之又奏作靜輪宮

水經註靜輪宮在道

壇東北道壇在平城東湫水之左

必令其高不聞雞犬欲以上接天神

崔浩勸帝為之功費萬計經年不成太子晃諫曰天人

道殊卑高定分

分扶問翻

不可相接理在必然今虛耗府庫

疲弊百姓為無益之事將安用之必如謙之所言請因

東山萬仞之高

謂平城之東山也

為功差易

易以鼓翻

帝不從

夏

四月沮渠無諱將萬餘家棄敦煌西就沮渠安周未至

鄯善王比龍畏之將其眾奔且末

沮子余翻將即亮翻敦煌徒門翻鄯上扇翻

且末漢故國在鄯善西去代
八千三百二十里且子余翻

其世子降於安周

降戶無
江翻

諱遂據鄯善其士卒經流沙渴死者大半李寶自伊吾

帥衆二千入據敦煌

帥讀
曰車

繕脩城府安集故民沮渠牧

捷之亡也

見上卷十六
年捷居言翻

涼州人闕爽據高昌自稱太守

唐契為柔然所逼擁衆西趨高昌

闕苦濫翻守手
又翻趨七喻翻

欲奪

其地柔然遣其將阿若追擊之契敗死

營陽王景平元
年契與李寶同

奔伊
吾

契弟和收餘衆奔車師前部王伊洛時沮渠安周

屯橫截城和攻拔之又拔高寧白力二城

李延壽曰高
昌國有四十

六鎮交河田地高寧白刃橫截

遣使請降於魏

使疏吏翻

甲戌上以疾愈大赦

五月裴方明等至漢中與劉真

道等分兵攻武興下辯白水皆取之

下辯漢書作下辨並音皮範翻

楊

難當遣建節將軍符弘祖守蘭臯

元豐九域志階州將利縣有蘭臯鎮按五

代志將利縣後魏武興郡之石門縣也蕭子顯曰武興西北有蘭臯戍去仇池二百里符惡常作符楊氏符氏皆氏種也

使其子撫軍大將軍和將重兵為後繼方明與弘

祖戰于濁水

濁水城在上祿縣東南武街城西北鄴道元曰濁水即白水也武街城故下辯縣治

大破之斬弘祖和退走追至赤亭又破之難當奔上邽

獲難當兄子建節將軍保熾難當以其子虎為益州刺

史守陰平聞難當走引兵還至下辯方明使其子肅之

邀擊之擒虎送建康斬之仇池平以輔國司馬胡崇之

為北秦州刺史鎮其地立楊保熾為楊玄後使守仇池

楊難當廢玄子保宗而自立見一百二十一卷六年魏人遣中山王辰迎楊難當

詣平城秋七月以劉真道為雍州刺史難於用翻裴方明為

梁南秦二州刺史方明辭不拜考異曰真道傳此事在胡崇之沒後氏胡傳

崇之沒在明年二月即真道傳誤丙寅魏主使安西將軍古弼考異曰宋索

虜傳作吐奚愛弼氏胡傳作吐
奚弼蓋其舊姓今從後魏書
督隴右諸軍及殿中虎

賁

賁音奔

與武都王楊保宗自祁山南入

保宗奔魏見上卷十六年

征

西將軍漁陽皮豹子與琅邪王司馬楚之督關中諸軍

自散關西入俱會仇池又使譙王司馬文思督洛豫諸

軍南趨襄陽

營陽王景平二年魏取河南置洛州於洛陽豫州於虎牢趨七喻翻下同

征南

將軍刁雍東趨廣陵

雍於容翻

移書徐州稱為楊難當報仇

偽翻

甲戌晦日有食之

唐契之攻關契也

曰宗氏考異

胡傳作關契今從後魏書

契遣使詐降于沮渠無諱欲與之共擊契

使疏吏翻
降戶江翻

八月無諱將其衆趨高昌比至

將即亮翻下
同比必利翻

也及契已死與閉門拒之九月無諱將衛興奴夜襲高昌

屠其城

考異曰宋書衛興奴
作衛奈今從後魏書

與奔柔然無諱據高昌

遣其常侍汜雋奉表詣建康

汜音凡

詔以無諱都督涼河

沙三州諸軍事征西大將軍涼州刺史河西王

考異
曰宋紀

封爵在六月傳在
九月末今從傳

冬十月己卯魏立皇子伏羅為晉

王翰為秦王譚為燕王建為楚王余為吳王 甲申柔

然遣使詣建康 十二月辛巳魏襄城孝王盧魯元卒

丙申詔魯郡脩孔子廟及學舍蠲墓側五戶課役以

供灑掃

灑所賣翻又所買翻掃素報翻又蘇老翻

李寶遣其弟懷達子承

奉表詣平城魏人以寶為都督西垂諸軍事

遠邊日垂

鎮西

大將軍開府儀同三司沙州牧敦煌公

敦煌門翻

四品以下

聽承制假授 雍州刺史晉安襄侯劉道產卒道產善

為政民安其業小大豐贍由是民間有襄陽樂歌

雍於用翻

賻時艷翻卒子恤翻樂音洛

山蠻前後不可制者皆出緣沔為村落

戶口殷盛及卒蠻追送至沔口未幾羣蠻大動

道產卒未幾而

蠻作亂後之人不能容養之也汚彌充翻幾居豈翻

征西司馬朱脩之討之不

利詔建威將軍沈慶之代之殺虜萬餘人魏主使尚

書李順差次羣臣賜以爵位順受賄品第不平是歲涼

州人徐桀告之魏主怒且以順保庇沮渠氏面欺誤國

事見上卷

十六年 賜順死

二十年春正月魏皮豹子進擊樂鄉將軍王奐之等敗

沒魏軍進至下辯將軍强玄明等敗死

强其兩翻

二月胡崇

之與魏戰於濁水崇之為魏所擒餘衆走還漢中將軍

姜道祖兵敗降魏

降戶江翻

魏遂取仇池楊保熾走

丙午

魏主如恒山之陽

恒戶登翻

三月庚申還宮

壬戌烏洛侯

國遣使如魏

烏洛侯國在地豆于國北去代四千五百餘里地豆于在室韋西千餘里室韋當勿

吉之北勿吉在高麗之北則烏洛侯東夷也使疏吏翻

初魏之居北荒也鑿石為

廟在烏洛侯西北以祀其先高七十尺深九十步

度高曰高

音居號翻度深曰深音式禁翻

及烏洛侯使者至魏言石廟具在魏主

遣中書侍郎李敞詣石廟致祭刻祝文於壁而還去平

城四千餘里

魏河間公齊與武都王楊保宗對鎮維

谷

雒谷即駱谷北史作駱

保宗弟文德說保宗令閉險自固以叛

魏

說輸芮翻

或以告齊夏四月齊誘執保宗送平城殺之前

鎮東司苻達

司上當有軍字否則司下當有馬字

征西從事中郎任肱等

苻達等皆楊氏官屬也任音壬肱敷尾翻

遂舉兵立楊文德為主據白崖

今大

安軍東北八十里有白崖大安軍古葭萌地也

考異

曰宋氏胡傳云拓跋齊聞兵起遁走達追擊斬齊因據白崖按後魏河間公齊傳云文德求援于宋宋遣房亮之苻昭啖龍等帥眾助文德斬龍擒亮之氏遂平以功拜內都大官卒然則宋書誤也

分兵取諸戍進圍仇池自號征西將軍

秦河梁三州牧仇池公

考異曰宋書在三月魏書在四月今從之

甲午

立皇子誕為廣陵王 丁酉魏大赦 己亥魏主如陰

山 五月魏古弼發上邽高平岼城諸軍擊楊文德

岼城

意當作汧城
汧口堅翻

文德退走皮豹子督關中諸軍至下辯聞

仇池解圍欲還弼遣人謂豹子曰宋人恥敗必將復來

復扶
又翻

軍還之後再舉為難不如練兵蓄力以待之不出

秋冬宋師必至以逸待勞無不克矣豹子從之魏以豹

子為仇池鎮將楊文德遣使來求援

使疏
吏翻

秋七月癸丑

詔以文德為都督北秦雍二州諸軍事征西大將軍北

秦州刺史武都王

雍於用翻

文德屯葭蘆城

五代志武都郡盤堤縣西魏之

南五部縣也

魏又置武陽郡及葭蘆縣後周皆併入盤

堤祝穆曰盤池山在階州福津縣東南七十里郡縣志

魏將鄧艾與蜀將姜維相持于此置葭蘆戍後於此置縣以任肅為左司馬武都陰

平氏多歸之

甲子前雍州刺史劉真道梁南秦二州

刺史裴方明坐破仇池滅匿金寶及善馬下獄死

宋人捨功

錄過自戮良將宜其為魏人所窺下邳稼翻

九月辛巳魏主如漠南甲辰

捨輜重

重直月翻

以輕騎襲柔然

騎奇寄翻下同

分軍為四道樂安

王範建寧王崇各統十五將出東道樂平王丕督十五

將出西道魏主出中道中山王辰督十五將為後繼

即將

鹿魏主至鹿渾谷

鹿渾谷即鹿渾海之谷也本高車袁紇部所居其地直平城西北其東即

弱洛水

遇敕連可汗

可從刊入聲汗音寒

太子晃言于魏主曰賊不

意大軍猝至宜掩其不備速進擊之尚書令劉絜固諫

以為賊營中塵盛其衆必多出至平地恐為所圍不如

須諸軍大集

須待也

然後擊之晃曰塵之盛者由軍士驚

怖擾亂故也

怖普布翻

何得營上而有此塵乎魏主疑之不

急擊柔然遁去追至石水不及而還

石水在顯根河北還從宣翻又如字

既而獲柔然候騎曰柔然不覺魏軍至上下惶駭引衆

北走經六七日知無追者乃始徐行魏主深恨之

為魏誅劉

黎中山王辰等張本

自是軍國大事皆與太子謀之司馬楚之別

將兵督軍糧鎮北將軍封沓亡降柔然說柔然令擊楚

之以絕軍食

降戶江翻說輸芮翻

俄而軍中有告失驢耳者諸將

莫曉其故楚之曰此必賊遣姦人入營覘伺

覘丑廉翻又丑艷翻

伺相吏翻

割驢耳以為信耳賊至不久宜急為之備乃伐柳

為城以水灌之令凍城立而柔然至冰堅滑不可攻乃

散走 十一月將軍姜道盛與楊文德合衆二萬攻魏

濁水戍魏皮豹子河間公齊救之道盛敗死 甲子魏

主還至朔方下詔令皇太子副理萬機總統百揆

異曰考

宋索虜傳晃與大臣崔氏寇氏不睦崔寇譖之玄高道
人有道術晃使祈福七日七夜佛狸夢其祖父並怒手
刃向之曰汝何故信讒欲害太子佛狸驚覺下偽詔曰
王者大業纂承為重儲宮嗣紹百王舊例自今以往事
無巨細必經太子然後上聞事節小異今從後魏書 且曰諸功臣勤勞日久皆當

以爵歸第隨時朝請饗宴朕前論道陳謨而已不宜復

煩以劇職

朝直遙翻
復扶又翻

更舉賢俊以備百官十二月丁卯

魏主還平城

自伐柔然還也

二十一年春正月己亥帝耕藉田大赦

藉秦晉翻考異曰宋畧辛酉

藉田大赦下有戊午又有辛酉誤也今從宋書

壬寅魏太子始總百揆命侍

中中書監穆壽司徒崔浩侍中張黎古弼輔太子決庶

政上書者皆稱臣儀與表同古弼為人忠慎質直嘗以

上谷苑園太廣乞減大半以賜貧民入見魏主欲奏其

事

據北史古弼傳時上谷人上書言苑園過度人無田業宜減大半以賜貧者蓋上谷距代都甚遠魏未嘗

置苑園于其地而道武帝起鹿苑于南臺陰北距長城東苞白登屬之西山廣輪數十里天興六年幸南平城

規度澤南夏屋山背黃瓜堆以建新邑至天賜三年遂
築澤南宮闕引溝穿池廣苑囿所謂太廣者此也不在

上谷當以北史
為正見賢通翻

帝方與給事中劉樹園碁志不在弼弼

侍坐良久不獲陳聞

坐但卧翻

忽起捽樹頭

捽昨没翻

掣下牀搏

其耳毆其背

掣尺列翻毆鳥口翻

曰朝廷不治實爾之罪

治直之翻

帝

失容捨碁曰不聽奏事朕之過也樹何罪置之弼具以

狀聞帝皆可其奏弼曰為人臣無禮至此其罪大矣出

詣公車免冠徒跣請罪帝召入謂曰吾聞築社之役塞

蹙而築之

蜀注曰蹙塞而顛蹙也

端冕而事之神降之福然則卿

有何罪其冠履就職苟可以利社稷便百姓者竭力為之勿顧慮也太子課民稼穡使無牛者借人牛以耕種而為之芸田以償之為子偽翻凡耕種二十二畝而芸七畝

大略以是為率使民各標姓名於田首以知其勤惰禁飲酒遊戲者於是墾田大增 戊申魏主詔王公以下

至庶人有私養沙門巫覡於家者男曰巫女曰覡刑狄翻皆遣詣

官曹過二月十五日不出沙門巫覡死主人門誅門誅者闔

門誅誅之庚戌又詔王公卿大夫之子皆詣太學其百工商

賈音古

母得私立學校

校戶達

教翻

者師死主人門誅

二月辛未魏中山王辰內都坐大

官薛辨

魏置中都大官外都大官都坐大官皆掌折獄謂之三都坐但卧翻

尚書奚眷等

八將

將即亮翻下同

坐擊柔然後期斬於都南初魏尚書令劉

絜久典機要

宋高祖永初末魏明元帝寢疾魏主監國劉絜與古弼等選侍東宮對綜機要至是

二十餘年矣

恃寵自專魏主心惡之

惡烏路翻

及將襲柔然絜諫

曰蠕蠕遷徙無常前者出師勞而無功

絜之言蓋指太延四年魏主伐

柔然至白阜時也蠕人克翻

不如廣農積穀以待其來崔浩固勸魏

主行魏主從之絜恥其言不用欲敗魏師

敗補
邁翻

魏主與

諸將期會鹿渾谷絜矯詔易其期帝至鹿渾谷欲擊柔
然絜諫止之使待諸將帝留鹿渾谷六日諸將不至柔
然遂遠遁追之不及軍還經漠中糧盡士卒多死絜陰
使人驚魏軍勸帝委軍輕還帝不從絜以軍出無功請
治崔浩之罪

治直之
翻下同

帝曰諸將失期遇賊不擊浩何罪

也浩以絜矯詔事白帝帝至五原收絜囚之帝之北行
也絜私謂所親曰若車駕不返吾當立樂平王絜聞尚

書右丞張嵩家有圖識問曰劉氏應王繼國家後吾有

姓名否嵩曰有姓無名帝聞之命有司窮治索嵩家得

識書

索山客翻

事連南康公狄鄰絜嵩鄰皆夷三族死者百

餘人絜在勢要好作威福

好呼到翻

諸將破敵所得財物皆

與絜分之既死籍其家財巨萬帝每言之則切齒癸酉

樂平侯王丕以憂卒初魏主築白臺高二百餘尺

魏主嗣泰

帝二年秋七月乙酉起白臺於平城南高二十丈

丕夢登其上四顧不見人命

術士董道秀筮之道秀曰大吉丕默有喜色及丕卒道

秀亦坐棄市高允聞之曰夫筮者皆當依附爻象勸以

忠孝

漢嚴君平卜筮於成都市人有邪惡非正之問則依著龜為言利害與人子言依於孝與人弟言依

於順與人臣言依於忠各因勢道之以善高允之言祖君平之術也王之問道秀也道秀

宜曰窮高為亢易曰亢龍有悔又曰高而無民

易乾上九及丈

言之辭亢苦浪翻

皆不祥也王不可以不戒如此則王安於上

身全於下矣道秀反之宜其死也

庚辰魏主辛廬

自南

北國分治人主所至例不書幸此必誤也

己丑江夏王義恭進位太尉領

司徒

夏戶雅翻

庚寅以侍中領右衛將軍沈演之為中領

軍左衛將軍范曄為太子詹事 辛卯立皇子宏為建

平王 三月甲辰魏主還宮 癸丑魏主遣司空長孫

道生鎮統萬

長知雨翻

夏四月乙亥魏侍中太宰陽平王

杜超為帳下所殺 六月魏北部民殺立義將軍衡陽

公莫孤帥五千餘落北走遣兵追擊之至漠南殺其渠

帥餘徙冀相定三州為營戶

杜佑曰魏道武天興中詔採漏戶令輸綸綿自後諸

逃戶占為紬繭羅穀者其衆於是離營戶率偏於天下不隸守宰賦役不同景穆皇帝一切罷之以屬郡縣孤

帥請曰率渠帥所類翻相息泥翻

吐谷渾王慕利延兄子緯世與魏

使者謀降魏

緯世即阿柴之長子緯代也北史避唐太宗諱改世為代使疏吏翻降戶江翻慕

利延殺之是月緯世弟叱力延等八人奔魏魏以叱力

延為歸義王

沮渠無諱卒

沮子余翻

弟安周代立

魏入

中國以來雖頗用古禮祀天地宗廟百神而猶循其舊

俗所祀胡神甚衆崔浩請存合於祀典者五十七所其

餘複重及小神悉罷之

量直龍翻

魏主從之

秋七月癸卯

魏東雍州刺史沮渠秉謀反伏誅

隋志絳郡後魏置東雍州後周改曰絳州

雍於用翻

八月乙丑魏主敗于河西尚書令古弼留守

守手

又詔以肥馬給獵騎弼悉以弱者給之帝大怒曰筆頭

奴敢裁量朕

騎奇寄翻量音良

朕還臺先斬此奴弼頭銳故帝

常以筆目之弼官屬惶怖恐并坐誅

怖善布翻

弼曰吾為人

臣不使人主盤於遊畋

盤樂也

其罪小不備不虞乏軍國

之用其罪大今蠕蠕方彊南寇未滅吾以肥馬供軍弱

馬供獵為國遠慮

為于偽翻

雖死何傷且吾自為之非諸君

之憂也帝聞之歎曰有臣如此國之寶也賜衣一襲

衣一

稱為一襲猶令言一副衣服也

馬二匹鹿十頭他日魏主復畋于山北

山北平城北山獲麋鹿數千頭詔尚書發車五百乘以
之北復扶又翻

運之

觀下載弼表蓋發民車也乘繩證翻

詔使已去魏主謂左右曰筆公

必不與我汝輩不如以馬運之遂還行百餘里得弼表

曰今秋穀懸黃麻菽布野豬鹿竊食鳥鴈侵費風雨所

耗朝夕三倍

言夕之所收較于朝之所收得失三倍收穫不可以不速載麋鹿猶可緩

乞賜

矜緩使得收載帝曰果如吾言筆公可謂社稷之臣矣

魏主使負外散騎常侍高濟來聘

散患重翻騎奇寄翻

戊辰

以荊州刺史衡陽王義季為征北大將軍開府儀同三

司南兗州刺史以南譙王義宣為荊州刺史初帝以義

宣不才故不用會稽公主屢以為言帝不得已用之

會稽

公主高祖長女帝深加禮敬家事大小必咨之會工外翻先賜中詔敕之曰師護以

在西久

詔自中出不經門下者謂之中詔今之手詔是也敕戒也義季小字師護

比表求還

比毗至翻頻也

今欲聽許以汝代之師護雖無殊績絜已節用

絜與絜同

通懷期物不恣群下聲著西土為士庶所安論者

乃未議遷之今之回換更為汝與師護年時一輩

為于偽翻

欲各試其能汝往脫有一事減之者既於西夏交有巨

礙

江左六朝以荆楚為西夏夏戶雅翻

遷代之譏必歸責于吾矣

言遷代之際所

任非人也

此事亦易勉耳無為使人復生評論也

易以鼓翻復扶又翻

義宣至鎮勤自課厲事亦脩理庚辰會稽長公主卒

長知

西翻卒子恆翻

吐谷渾叱力延等請師於魏以討吐谷渾王

慕利延魏主使晉王伏羅督諸軍擊之九月甲辰以

沮渠安周為都督涼河沙三州諸軍事涼州刺史河西

王丁未魏主如漠南將襲柔然柔然敕連可汗遠遁

乃止敕連尋卒子吐賀真立號處羅可汗

魏牧曰處羅言唯也可

從刊入聲
汗音寒

魏晉王伏羅至樂都

樂音洛

引兵從間道襲

吐谷渾

間古
翻

至大母橋吐谷渾王慕利延大驚逃奔白

蘭慕利延兄子拾寅奔河西魏軍斬首五千餘級慕利

延從弟伏念等帥萬三千落降於魏

慕利延背阿柴折箭之誠使之招引

外寇至于衆叛親離固其宜也
從才用翻帥讀曰率降戶江翻

冬十月己卯以左軍

將軍徐瓊為兖州刺史大將軍參軍申恬為冀州刺史

徙兖州鎮須昌

沈約曰武帝定河南以兖州治滑臺大
帝元嘉十三年治鄒山又寄治彭城此

又自彭城
徙須昌也

冀州鎮歷下

歷下即
歷城

恬謨之弟也

十二月

魏主還平城 是歲沙州牧李寶入朝于魏魏人留之

以為外都大官

為李氏貴戚張本朝直遙翻

太子率更令何承天

撰元嘉新厯表上之

更工衛翻上時掌翻下所上同

以月食之衝知日

所在

日與月對衝光相掩而知之

又以中星檢之知堯時冬至日在

須女十度

此以堯典日短星昴推之

今在斗十七度又測景校二至

差三日有餘

此亦用周禮測日至之景之法也

知今之南至日應在斗

十三四度于是更立新法冬至徙上三日五時日之所

在移舊四度又月有遲疾前厯合朔月食不在朔望

月食

上當有日字 今皆以贏縮定其小餘以正朔望之日

贏或作盈 歷法

有大餘小餘史記歷書曰大餘者日也小餘者月也周天三百六十五度四分度之一日日盈一度十二月而一周天歲十二月凡三百五十四日以六除之五六三
百餘五十四日為大餘周天三百六十五度以六甲除之六六三百六十餘五為大餘小餘即四分之一未滿日之分數也其分每滿三十二則成一日蓋奇日為大餘奇分為小餘積而成閏也

詔付外詳之太史令錢樂之等奏皆如

承天所上唯月有頻三大頻二小比舊法殊為乖異謂

宜仍舊詔可

二十二年春正月辛卯朔始行新歷初漢京房以十二

律中呂上生黃鐘不滿九寸更演為六十律

中讀曰仲更工衡翻

同下錢樂之復演為三百六十律

復扶又翻

日當一管何承天

立議以為上下相生三分損益其一蓋古人簡易之法

易以啟翻

猶如古歷周天三百六十五度四分度之一也而

京房不悟謬為六十乃更設新律林鍾長六寸一釐則

從中呂還得黃鍾十二旋宮聲韻無失

長直亮翻中讀曰仲律歷志黃

鍾律九寸三分損一下生林鍾律六寸三分林鍾益一

上生太簇三分太簇損一下生南呂三分南呂益一上

生姑洗三分姑洗損一下生應鍾三分應鍾益一上生

蕤賓三分蕤賓損一下生大呂三分大呂益一上生夷

則三分夷則損一下生夾鍾三分夾鍾益一上生無射
三分無射損一下生中呂陰陽相生自黃鍾始而左旋
八八為伍孟康注曰從子數至未得八下生林鍾數未
至寅得八上生太簇律上下相生皆以此為率伍耦也
八八為耦然月令注中呂律長六寸萬九千六百八十
三分寸之萬二千九百七十四若上生黃鍾當不止九
寸故孔穎達考其同異於月令疏曰十二律有上生下
生同位異位長短分寸之別故鄭注周禮太師職云其
相生則以陰陽六體黃鍾初九下生林鍾之初六林鍾
又上生太簇之九二太簇又下生南呂之六二南呂又
上生姑洗之九三姑洗又下生應鍾之六三應鍾又上
生蕤賓之九四蕤賓又上生大呂之六四大呂又下生
夷則之九五夷則又上生夾鍾之六五夾鍾又下生無
射之上九無射又上生中呂之上六同位者象夫妻異
位者象子母所謂律娶妻而呂生子也同位象夫妻者
則黃鍾之初九下生林鍾之初六同是初位故為夫婦

又是律娶妻也異位為子母者謂林鍾上生太簇林鍾
是初位太簇是二位故云異位為子母又是呂生子也
云五下六上者鄭注云五下六上乃一終矣謂林鍾夷
則南呂無射應鍾皆被子午以東之管三分減一而下
生之大呂太簇夾鍾姑洗中呂蕤賓皆被子午以西之
管三分益一而上生之子午皆上生應云七上而云六
上者以黃鍾為諸律之首物莫之先似若無所稟生者
故不數黃鍾也其實十二律終于中呂反歸黃鍾生于
中呂三分益一大略得應黃鍾九寸之數也律歷志云
黃鍾為天統林鍾為地統太簇為人統故數整餘律則
各有分數隨其相生之次每辰各自為宮各有五聲黃
鍾為第一宮下生林鍾為徵上生太簇為商下生南呂
為羽上生姑洗為角林鍾為第二宮上生太簇為徵下
生南呂為商上生姑洗為羽下生應鍾為角太簇為第
三宮下生南呂為徵上生姑洗為商下生應鍾為羽上
生蕤賓為角南呂為第四宮上生姑洗為徵下生應鍾

為商上生蕤賓為羽下生大呂為角姑洗為第五宮下
生應鍾為徵上生蕤賓為商上生大呂為羽下生夷則
為角應鍾為第六宮上生蕤賓為徵上生應鍾為第七
大呂為商下生夷則為羽上生夾鍾為角蕤賓為第七
宮上生大呂為徵下生夷則為商上生夾鍾為羽下生
無射為角大呂為第八宮下生夷則為徵上生夾鍾為
商下生無射為羽上生中呂為角夷則為第九宮上生
夾鍾為徵下生無射為商上生中呂為羽上生黃鍾為
角夾鍾為第十宮下生無射為徵上生中呂為商上生
黃鍾為羽下生林鍾為角無射為第十一宮上生中呂
為徵上生黃鍾為商下生林鍾為羽下生太簇為角中
呂為第十二宮上生黃鍾為徵下生林鍾為商上生太
簇為羽下生南呂為角是十二宮各有五聲凡六十聲
京房六十律相生之法以上生下皆三生二以下生上
皆三生四陽下生陰陰上生陽終於中呂而十二律畢
矣中呂上生執始執始下生去滅上下相生終於南事

而六十律畢矣夫十二律之變至于六十猶八卦之變至于六十四也六十律之名詳見續漢書補志

壬辰以武陵王駿為雍州刺史

雍於用翻

帝欲經略關河故

以駿鎮襄陽

魏主使散騎常侍宋悋來聘

散悉重翻騎奇寄翻

悋於今翻

二月魏主如上黨西至吐京

鄴道元曰吐京即漢西河郡吐軍縣

夷夏俗音記也後魏置吐京郡隋隰州石樓縣魏吐京郡地

討徙叛胡出配郡縣

甲戌立皇子禧為東海王祖為義陽王

禧吁韋翻祖丑兩翻

三

月庚申魏主還宮

魏詔諸疑獄皆付中書以經義量

決

量音良

夏四月庚戌魏主遣征西大將軍高涼王那

等擊吐谷渾王慕利延於白蘭秦州刺史代人封敕文

安遠將軍乙烏頭擊慕利延兄子什歸于枹罕

枹音膚

河西之亡也鄯善人以其地與魏鄰大懼

鄯上扇翻

曰通其

使人知我國虛實取亡必速乃閉斷魏道

閉斷魏通西域之道也使

疏吏翻下同

使者往來輒鈔劫之

鈔楚交翻

由是西域不通

者數年魏主使散騎常侍萬度歸發涼州以西兵擊鄯

善 六月壬辰魏主北巡 帝謀伐魏罷南豫州入豫

州以南豫州刺史南平王鐸為豫州刺史

高祖永初二年分淮東之

地為南豫州治歷陽淮西為豫州
或治壽陽或治汝南鑠式約翻

秋七月己未以尚

書僕射孟顗為左僕射

顗魚豈翻

中護軍何尚之為右僕射

武陵王駿將之鎮時緣沔諸蠻猶為寇

沔彌充翻

水陸梗

礙駿分軍遣撫軍中兵參軍沈慶之掩擊大破之駿至

鎮蠻斷驛道

斷丁管翻

欲攻隨郡隨郡太守河東柳元景募

得六七百人邀擊大破之遂平諸蠻獲七萬餘口湏山

蠻最彊

水經注云水出蔡陽縣東南大洪山山在隨郡之西南竟陵之東北槃基所跨廣圓一百餘里

湏水出于其山之陰時人以為湏水所導亦曰湏山湏音云

沈慶之討平之獲三萬

餘口徙萬餘口於建康吐谷渾什歸聞魏軍將至棄

城夜遁八月丁亥封敕文入枹罕分徙其民千家還上

邽留乙烏頭守枹罕

枹音膚

萬度歸至敦煌留輜重以

輕騎五千度流沙襲鄯善壬辰鄯善王真達面縛出降

度歸留軍屯守與真達詣平城

敦徒門翻重直用翻騎奇寄翻降戶江翻考

異曰本紀作真達興今從西域傳

西域復通

復扶又翻

魏主如陰山之北

發諸州兵三分之一各於其州戒嚴以須後命

須待也徙

諸種雜民五千餘家於北邊

種章勇翻

令就北畜牧以餌柔

然 壬寅魏高涼王那軍至寧頭城

寧頭城當在白蘭東北

吐谷

渾王慕利延擁其部落西度流沙吐谷渾慕瑣之子被
囊逆戰那擊破之被囊遁走中山公杜豐帥精騎追之

瑣古回翻
帥讀曰率

度三危至雪山

那道元曰三危山在敦煌縣南

生擒被囊及

吐谷渾什歸乞伏熾盤之子成龍皆送平城

乞伏成龍蓋因赫連

定之敗沒
于吐谷渾

慕利延遂西入于闐

闐徒賢翻
又徒見翻

殺其王據其

地死者數萬人

九月癸酉上餞衡陽王義季于武帳

岡

餞義季往鎮南充杜佑曰武帳岡在廣莫門外宣武場設行宮殿便坐於其上因名

上將行敕

諸子且勿食至會所設饌日盱不至

饌離懸翻又離
晚翻盱古案翻

有

飢色上乃謂曰汝曹少長豐佚

少詩詔翻
長知兩翻

不見百姓艱

難今使汝曹識有飢苦知以節儉御物耳

裴子野論曰善乎太祖之訓也夫侈興于有餘儉生

于不足欲其隱約莫若貧賤習其險艱利以任使達

其情偽易以躬臨

易以
鼓翻

太祖若能率此訓也難其志

操卑其禮秩教成德立然後授以政事則無怠無荒

可播之於九服矣

周制九服侯服甸服男服采服衛服
蠻服夷服鎮服藩服每服五百里謂

之服者責以服
事天子為職也

高祖思固本枝崇樹襁褓後世遵守

迭據方岳

謂義真義康義恭義宣皆迭居方面襁居兩翻襁音保

及乎泰始之

初升明之季絕咽於衾衽者動數十人

謂明帝殺孝武諸子而宋

齊禪代之際蕭氏夷劉氏也咽音煙

國之存亡既不是繫早肆民上左傳

晉師曠曰天之愛民甚矣豈其使一人肆於民上

非善誨也

魏民間訛言滅魏者吳盧水胡蓋吳聚眾反於杏城

蓋吳

蓋安定盧水胡種而分居杏城蓋古盍翻諸眾胡爭應之

種章勇翻

有眾十餘萬

遣其黨趙綰來上表自歸冬十月戊子長安鎮副將拓

跋紇帥衆討吳紇敗死

上時掌翻將即亮翻紇下沒翻

吳衆愈盛民皆

渡渭奔南山

長安南山也

魏主發高平敕勒騎赴長安命將

軍叔孫拔領攝并秦雍三州兵屯渭北

騎奇寄翻雍於用翻

十

一月魏發冀州民造浮橋於礪礪津蓋吳遣別部帥

白廣平

帥所類翻

西掠新平安定諸胡皆聚衆應之又分兵

東掠臨晉巴東

巴當作巴

將軍章直擊破之溺死于河者三

萬餘人

溺奴狄翻

吳又遣兵西掠至長安將軍叔孫拔與戰

於渭北大破之斬首三萬餘級河東蜀薛永宗聚衆以

應吳

蜀人遷居河東者謂之河東蜀居絳郡者謂之絳蜀居關中赤水者謂之赤水蜀

襲擊聞

喜

聞喜縣屬河東郡秦秋時晉武公所居之曲沃也秦改為左邑漢武帝於此開南越破改曰聞喜後魏分

屬絳郡

聞喜縣無兵仗令憂惶無計縣人裴駿帥屬鄉豪

擊之

帥讀曰車

永宗引去魏主命薛謹之子拔糾合宗鄉

宗謂

薛之宗族鄉謂鄉人

壁於河際以斷二寇往來之路

二寇謂薛永宗蓋吳斷丁

管翻庚午魏主使殿中尚書拓跋處直等將二萬騎討薛

永宗殿中尚書乙拔將三萬騎討蓋吳

晉置殿中尚書與吏部五兵田

曹度支左民為六曹杜佑曰後魏初有殿中樂部駕部南都北部五尚書殿中掌殿內兵馬倉庫樂部掌伎樂

及角使伍伯駕部掌牛馬驢騾南部掌南邊諸州郡北

部掌北邊諸州郡魏書官氏志內入諸姓乙弗氏改為

乙氏處昌呂翻將即

西平公寇提將萬騎討白廣平

官氏

亮翻騎奇寄翻下同

志內入諸姓若口
引氏改為寇氏
吳自號天台王署置百官 辛未魏

主還宮

自陰山還也

魏選六州驍騎二萬

六州冀定相并
幽平驍堅堯翻

使永昌王仁高涼王那分將之為二道掠淮泗以北徙

青徐之民以實河北 癸未魏主西巡 初魯國孔熙

先博學文史兼通數術有縱橫才志

縱子容翻

為負外散騎

侍郎不為時所知憤憤不得志父默之為廣州刺史以

賊獲罪大將軍彭城王義康為救解得免

為于偽翻

及義康

遷豫章

義康遷見上卷十七年

熙先密懷報効且以為天文圖識

識楚諧翻

帝必以非道晏駕由骨肉相殘江州應出天子以

范曄志意不滿欲引與同謀而熙先素不為曄所重太

子中舍人謝綜曄之甥也

太子中舍人晉咸寧四年置以舍人才學美者為之與中

庶子共掌文翰職如黃門侍郎在中庶子下洗馬上

熙先傾身事之綜引熙先與

曄相識熙先家饒於財數與曄博故為拙行以物輸之

數所角翻凡博亦以計數誘人謂之拙行者偽為不能也行下孟翻

曄既利其財又愛

其文藝由是情好款洽熙先乃從容說曄曰大將軍英

斷聰敏

好呼到翻從于容翻斷
丁亂翻大將軍謂義康

人神攸屬

屬之欲翻

失職南

垂

謂遷豫
章也

天下憤怨小人受先君遺命以死報大將軍

之德頃人情騷動天文舛錯此所謂時運之至不可推

移者也若順天人心結英豪之士表裏相應發於肘

腋

腋音
亦

然後誅除異我崇奉明聖號令天下誰敢不從

小人請以七尺之軀三寸之舌立功立事而歸諸君子

丈人以為何如曄甚愕然熙先曰昔毛玠竭節於魏武

張溫畢議於孫權彼二人者皆國之俊又豈言行玷缺

然後至於禍辱哉皆以廉直勁正不得久容

毛玠見六十七卷漢

獻帝建安二十一年張溫事見六十九卷魏文帝黃初五年行下孟翻下內行同玷多泰翻

丈人之

於本朝不深於二主人間雅譽過于兩臣讒夫側目為

日久矣比肩競逐庸可遂乎

言與時貴比肩競逐榮利所在衆所共爭將不得遂

其志也朝直遙翻

近者殷鐵一言而劉班碎首

見上卷十七年

彼豈父

兄之讐百世之怨乎所爭不過榮名勢利先後之間耳及其末也唯恐陷之不深發之不早戮及百口猶曰未

厭是可為寒心悼懼豈書籍遠事也哉今建大勲奉賢

哲圖難于易

易以鼓翻

以安易危享厚利收鴻名一旦苞舉

而有之豈可棄置而不取哉曄猶疑未決熙先曰又有

過於此者愚則未敢道耳曄曰何謂也熙先曰丈人亦

葉清通

曄曾祖汪祖寧父泰皆有名行

而不得連姻帝室人以犬豕相

遇而丈人曾不恥之欲為之死不亦惑乎

為于偽翻

曄門無

內行故熙先以此激之曄默然不應反意乃決曄與沈

演之並為帝所知曄先至必待演之俱入演之先至嘗

獨被引

被皮義翻
引見也

暉以此為怨暉累經義康府佐中間

獲罪于義康謝綜及父述皆為義康所厚綜弟約娶義

康女綜為義康記室參軍自豫章還申義康意于暉求

解晚隙復敦往好

復扶又翻
好呼到翻

大將軍府史仲承祖有寵

于義康聞熙先有謀密相結納丹楊尹徐湛之素為義

康所愛承祖因此結事湛之告以密計道人法略尼法

靜皆感義康舊恩並與熙先往來法靜妹夫許曜領隊

在臺

江南謂禁
中為臺

許為內應法靜之豫章熙先付以牋書

陳說圖識於是密相署置及素所不善者並入死目

分條

名目凡素所不善者皆欲置之死地

熙先又使弟休先作檄文稱賊臣趙

伯符肆兵犯蹕禍流儲宰

趙伯符時為領軍將軍故欲以弑逆之罪歸之言禍流儲

宰蓋欲併殺太子劬

湛之曄等投命奮戈即日斬伯符首及其黨

與今遣護軍將軍臧質奉璽綬迎彭城王正位辰極

北辰

為天極故以帝位為辰極璽斯氏翻綬音受

熙先以為舉大事宜須以義康

之旨諭衆曄又詐作義康與湛之書令誅君側之惡宣

示同黨帝之燕武帳岡也曄等謀以其日作亂許曜侍

帝扣刀目曄

拔刀微出
削為扣刀

曄不敢仰視俄而座散徐湛之

恐事不濟密以其謀白帝帝使湛之具探取本末

探吐
南翻

得其檄書選署姓名上之

上時
掌翻

帝乃命有司收掩窮治

治直
之翻

其夜呼曄置客省

客省凡四方之客入
見者居之屬典客令

先於外收

綜及熙先兄弟皆款服帝遣使詰問曄曄猶隱拒

詰去
吉翻

熙先聞之笑曰凡處分符檄書疏皆范所造

處昌呂翻
分扶問翻

云何於今方作如此抵蹋邪帝以曄墨迹示之乃具陳

本末明日仗士送付廷尉

仗士士之
執兵仗者

熙先望風吐款辭

氣不撓

撓奴教翻

上奇其才遣人慰勉之曰以卿之才而滯

于集書省

散騎侍郎集書省官也蕭子顯曰自散騎侍郎及通直負外給事中奉朝請騎馬都尉皆

集書省職也

理應有異志此乃我負卿也又責前吏部尚書

何尚之曰使孔熙先年將三十作散騎郎那不作賊熙

先於獄中上書謝恩且陳圖讖深戒上以骨肉之禍

讖楚

諧翻

曰願勿遺弃存之中書若囚死之後或可追錄庶九

泉之下少塞豐責

少詩治翻塞志則翻豐許覲翻

曄在獄為詩曰雖無

嵇生琴庶同夏戾色

嵇康為晉文王所殺臨命顧視日影索琴而彈夏戾玄為晉景王所

殺及赴東市 曄本意謂入獄即死而上窮治其獄遂經
顏色不變

二旬曄更有生望獄吏戲之曰外傳詹事或當長繫曄

聞之驚喜綜熙先笑之曰詹事疇昔攘袂瞋目躍馬顧

盼自以為一世之雄今擾攘紛紜畏死乃爾

曄為太子詹事故稱

之瞋七人翻 設令賜以性命人臣圖主何顏可以生存十二

月乙未曄綜熙先及其子弟黨與皆伏誅曄母至市涕

泣責曄以手擊曄頸曄顏色不怍

怍疾各翻慙也

妹及妓妾來

別曄悲涕流連

妓渠綺翻連泣下貌

綜曰舅殊不及夏侯色曄收

淚而止謝約不豫逆謀見兄綜與熙先遊常諫之曰此

人輕事好奇不近於道果銳無檢

言無檢束也好呼到翻近其靳翻

未

可與狎綜不從而敗綜母以子弟自蹈逆亂獨不出視

曄語綜曰姊今不來勝人多矣收籍曄家樂器服玩並

皆珍麗妓妾不勝珠翠

語牛倂翻不勝音升

母居止單陋唯有一

厨盛樵薪

盛時征翻

弟子冬無被叔父單布衣

裴子野論曰夫有逸羣之才必思冲天之據

冲與翀同上飛

也古語云一飛冲天

蓋俗之量則憤常均之下

常均猶言平常也

其能

守之以道將之以禮殆為鮮乎

鮮息淺翻

劉弘仁范蔚宗

劉湛字弘仁范曄字蔚宗蔚於勿翻

皆忸志而貪權

忸女九翻驕也玩也狎也

矜才

以徇逆累葉風素一朝而隕嚮之所謂智能翻為亡身之具矣

徐湛之所陳多不盡為曄等辭所連引上赦不問臧質

熹之子也

臧熹臧熹之弟質在臧里於帝為中表之親

先為徐兗二州刺史

與曄厚善曄敗以為義興太守有司奏削彭城王義康

爵收付廷尉治罪

治直之翻

丁酉詔免義康及其男女皆為

庶人絕屬籍徙付安成郡以寧朔將軍沈邵為安成相

領兵防守

相息亮翻

邵璞之兄也義康在安成讀書見淮南

厲王長事廢書歎曰自古有此我乃不知得罪為宜也

庾戌以前豫州刺史趙伯符為護軍將軍伯符孝穆皇

后之弟子也

高祖母趙氏追諡孝穆皇后后弟倫之

初江左二郊無樂

宗廟雖有登歌亦無二舞是歲南郊始設登歌

禮記郊特牲曰

奠酬而工升歌發德也歌者在上匏竹在下貴人聲也二舞文舞武舞也

魏安南平南府

移書兖州

安南平南二將軍府

以南國僑置諸州多濫北境名號

又欲遊獵具區

周官職方氏揚州藪曰具區師古曰具區在吳

兖州答移曰必

若因土立州則彼立徐揚豈有其地復知欲遊獵具區

復扶又翻

觀化南國開館飾邸則有司存呼韓入漢厥儀未

泯饋餼之秩每存豐厚

饋餼也饋餼餉客以生食及窮米也詩傳曰牲腥曰餼餼許既

翻

二十三年春正月庚申尚書左僕射孟顗罷 戊辰魏

主軍至東雍州

雍於用翻

臨薛永宗壘崔浩曰永宗未知陞

下自來衆心縱弛今北風迅疾宜急擊之魏主從之庚

午圍其壘永宗出戰大敗與家人皆赴汾水死

據南史薛安都

傳諸薛家于河東汾陰世為強族

其族人安都先據弘農棄城來奔辛

未魏主南如汾陰濟河至洛水橋

此華陰之洛水史記秦孝公之元年所謂

魏築長城自鄭濱洛者也

聞蓋吳在長安北帝以渭北地無穀草欲

渡渭南循渭而西以問崔浩對曰夫擊蛇者先擊其首

首破則尾不能掉

掉徒弔翻

今蓋吳營去此六十里輕騎趨

之

騎奇寄翻趨七喻翻

一日可到到則破之必矣破吳南向長安

亦不過一日一日之乏未至有傷若從南道則吳徐入

北山猝未可平帝不從自渭南向長安庚辰至戲水

戲許

宜翻

吳衆聞之悉散入北地山

地字衍

軍無所獲帝悔之二

月丙戌帝至長安丙申如塾屋

塾屋音舟室

歷陳倉還如雍

城

雍於用翻下同

所過誅民夷與蓋吳通謀者乙拔等諸軍大

破蓋吳于杏城吳復遣使上表求援

使疏吏翻下以義推

詔以吳

為都督關隴諸軍事雍州刺史北地公使雍梁二州發

兵屯境上為吳聲援遣使賜吳印一百二十一紐使吳

隨宜假授

初林邑王范陽邁雖遣使入貢而寇盜不

絕使貢亦薄陋帝遣交州刺史檀和之討之南陽宗慤

家世儒素

慤叔父少文高尚不仕諸子羣從皆愛好墳典

慤獨好武事

好呼到翻

常

言願乘長風破萬里浪及和之伐林邑慤自奮請從軍詔以慤為振武將軍和之遣慤為前鋒陽邁聞軍出遣使請還所掠日南民輸金一萬斤銀十萬斤帝詔和之

若陽邁果有款誠亦許其歸順和之至朱梧戍

朱梧縣自漢以來

來屬日南郡時于其地置戍宋白曰漢日南郡治朱吾又南行四百餘里至林邑國遣府戶曹參

軍姜仲基等詣陽邁

府者交州刺史府

陽邁執之和之乃進軍

園林邑將范扶龍於區粟城

水經注盧容水出日南盧容縣區粟城南高山東逕

區粟城北林邑兵器戰具悉在城中將即亮翻

陽邁遣其將范毗沙達救之宗

慙潛兵迎擊毗沙達破之

魏主與崔浩皆信重寇謙

之奉其道浩素不喜佛法

喜許記翻

每言於魏主以為佛法

虛誕為世費害宜悉除之及魏主討蓋吳至長安入佛

寺沙門飲從官酒從官入其室

飲於鵠翻從才用翻

見大有兵器

出以白帝帝怒曰此非沙門所用必與蓋吳通謀欲為

亂耳命有司案誅闔寺沙門閱其財產大得釀具及州

郡牧守富人所寄藏物以萬計

守式又翻

又為窟室以匿婦

女

窟苦骨翻

誥因說帝悉誅天下沙門毀諸經像

說輪荷翻

帝從

之寇謙之與浩固爭浩不從先盡誅長安沙門焚毀經

像并敕留臺下四方令一用長安法

魏主出征太子居守故謂平城為留

臺下退後翻

詔曰昔後漢荒君信惑邪偽以亂天常

佛法自漢明帝

時入中國楚王英最先好之至桓帝始下浮屠

自古九州之中未嘗有此夸誕

大言不本人情叔季之世莫不眩焉

日無常主不辯白黑謂之眩

由

是政教不行禮義大壞九服之內鞠為丘墟

鞠窮也

朕承

天緒欲除偽定真復羲農之治

治直吏翻

其一切盪除滅其

蹤跡自今已後敢有事胡神及造形像泥人銅人者門

誅有非常之人然後能行非常之事非朕孰能去此歷

代之偽物

呂去羌翻

有司宣告征鎮諸軍刺史諸有浮圖形

像及胡經皆擊破焚燒沙門無少長悉阮之

少詩照翻長知兩翻

太子晃素好佛法

好呼到翻

屢諫不聽乃緩宣詔書使遠近

豫聞之得各為計沙門多亡匿獲免或收藏經像唯塔

廟在魏境者無復子遺

復扶又翻

魏主徙長安工巧二千

家於平城還至洛水分軍誅李閏叛羌 太原顏白鹿

私入魏境

太原郡本屬并州江左以郡人南徙者僑立太原郡晉安帝義熙中土斷立太原縣屬秦

山郡元嘉十年割濟南泰山為太原郡境屬青州

為魏人所得將殺之詐云青

州刺史杜驥使其歸誠魏人送白鹿詣平城魏主喜曰

我外家也

魏主母杜氏故謂驥為外家

使崔浩作書與驥且命永昌

王仁高涼王那將兵迎驥攻冀州刺史申恬於歷城杜

驥遣其府司馬夏侯祖歡等將兵救歷城魏人遂寇青

充冀三州至清東而還

清東清水之東也

殺掠甚衆北邊騷動

考異曰宋文帝紀三月索虜寇兗豫青冀刺史中恬破之魏太武紀二月永昌王仁至高平禽劉義隆將王章略金鄉方與遼其民五千家於河北高涼王那至濟南東平陵遷其民六千餘家於河北蓋宋魏各據秦到之月書之耳宋索虜傳又云虜破掠太原得四千餘口蓋魏人夸張其數故不同耳

帝以魏寇為

憂咨訪群臣御史中丞何承天上表以為凡備匈奴之

策不過二科武夫盡征伐之謀儒生講和親之約今欲

追蹤衛霍自非大田淮泗內實青徐使民有贏儲野有

積穀然後發精卒十萬一舉蕩夷則不足為也若但欲

遣軍追討報其侵暴則彼必輕騎奔走不肯會戰

寄奇翻

徒興巨費不損於彼報復之役將遂無已斯策之最末者也安邊固守於計為長臣竊以曹孫之霸才均智敵江淮之間不居各數百里

曹孫謂曹操孫權也

何者斥候之郊非

耕牧之地故堅壁清野以俟其來整甲繕兵以乘其弊保民全境不出此塗要而歸之其策有四一曰移遠就

近今青兗舊民及冀州新附在界首者三萬餘家可悉

徙置大岷之南以實內地

岷戶典翻

二曰多築城邑以居新

徙之家假其經用春夏佃牧

佃讀曰田

秋冬入保寇至之時

一城千家堪戰之士不下二千其餘羸弱猶能登陴鼓

譟足抗羣虜三萬矣

羸倫為翻
陴音疲

三曰纂偶車牛以載糧

械

纂鰲
集也

計千家之資不下五百耦牛為車五百兩

兩力
讓翻

參合鈎連以衛其衆設使城不可固平行趨險

趨七
喻翻賊

所不能干有急徵發信宿可聚四曰計丁課仗凡戰士

二千隨其便能各自有仗素所服習銘刻由已還保輸

之於庫出行請以自新

請器仗各自
磨礪使精新

弓簞利鐵民不得

者官以漸充之

募古
早翻

數年之內軍用粗備矣

粗坐
互翻

近郡

之師遠屯清濟

近郡謂南徐州所領諸僑郡及三吳近在邦域之中者濟子禮翻

功費

既重嗟怨亦深以臣料之未若即用彼衆之易也

易弋致翻

今因民所利導而帥之

帥讀曰率

兵彊而敵不戒國富而民

不勞比於優復隊伍

復方目翻

坐食糧廩者不可同年而校

矣魏金城邊固天水梁會與秦益雜民萬餘戶據上

邽東城反攻逼西城秦益二州刺史封敕文拒却之氏

羌萬餘人休官屠各二萬餘人

休官屠各二種屠直於翻

皆起兵應

固會敕文擊固斬之餘衆推會為主與敕文相攻夏

四月甲申魏主至長安 丁未大赦 仇池人李洪聚

衆自言應王梁會求救於氐王楊文德文德曰兩雄不

並立若須我者宜先殺洪會誘洪斬之

誘音西

送首于文

德五月癸亥魏主遣安豐公閭根帥騎赴上邽

帥讀曰率騎奇

寄翻未至會奔東城走敕文先掘重塹於外

重直龍翻

嚴兵守

之格鬪從夜至旦敕文曰賊知無生路致死於我多殺

傷士卒未易克也

易以豉翻

乃以白虎幡宣告會衆降者赦

之

降戶江翻

會衆遂潰分兵追討悉平之略陽人王元達聚

衆屯松多川

水經注松多水出隴山西南流逕降隴城北又西南注秦水

敕文又討

平之

蓋吳收兵屯杏城自號秦地王聲勢復振

又復扶

魏主遣永昌王仁高涼王那督北道諸軍討之

北道諸軍謂魏

兵分屯長安以北者

檀和之等拔區粟斬范扶龍乘勝入象浦

象浦即盧容浦盧容縣即秦象郡象林縣地故亦謂之象浦

林邑王陽邁傾國來戰

以具裝被象前後無際

馬甲謂之具裝被皮義翻

宗慤曰吾聞外國

有師子威服百獸

師子似虎正黃有顛形尾端茸毛大如斗爾雅翼曰穆天子傳狡狴日走

五百里其為物最猛雖虎豹亦畏之象至以鼻捲泥自塗數尺數數噴鼻隅立師子直搏而殺之

乃製

其形與象相拒象果驚走林邑兵大敗和之遂克林邑

水經注林邑國都治典冲在壽冷縣阿賁浦西去海岸四十里

考異曰本紀在六月傳在五月當是六月賁

檀和之等今從傳

陽邁父子挺身走所獲未名之寶不可勝計

宗慤一無所取還家之日衣櫛蕭然

勝音升櫛側瑟翻梳枇總名

六月癸未朔日有食之甲申魏發冀相定三州兵二萬

人

相息亮翻

屯長安南山諸谷以備蓋吳竄逸丙戌又發司

幽定冀四州兵十萬人築畿上塞圍

魏都平城置司州於代都宋白曰唐

雲州

雲是

起上谷西至河廣縱千里

廣古贍翻縱子容翻

帝築北

隄立玄武湖

以其地在臺城之後故名玄武湖在今建康府上元縣北十里祝穆曰湖今為後軍

塞築景陽山於華林園

秋七月辛未以散騎常侍杜

坦為青州刺史坦驥之兄也初杜預之子耽避晉亂居

河西仕張氏前秦克涼州子孫始還關中高祖滅後秦

坦兄弟從高祖過江時江東王謝諸族方盛北人晚渡

者朝廷悉以儋荒遇之

儋助耕翻南人呼北人為儋荒言其自荒外來也

雖復

人才可施皆不得踐清塗上嘗與坦論金日磾曰恨今

無復此輩人

復扶又翻磾丁奚翻

坦曰日磾假生今世養馬不暇

豈辦見知上變色曰卿何量朝廷之薄也

量音良

坦曰請

以臣言之臣本中華高族晉氏喪亂

喪息浪翻

播遷涼土世

業相承不殞其舊直以南度不早便以荒傖賜隔日碑

胡人身為牧圉乃超登內侍齒列名賢

金日磾事見二十卷漢武帝

後元二年聖朝雖復拔才臣恐未必能也上默然八月魏

高涼王那等破蓋吳獲其二叔諸將欲送詣平城長安

鎮將陸侯曰長安險固風俗豪伎

將即亮翻伎支義翻狠也

平時猶

不可忽况承荒亂之餘乎今不斬吳則長安之變未已

也吳一身潛竄非其親信誰能獲之若傳十萬之衆以追一人又非長策不如私許吳叔免其妻子使自追吳擒之必矣諸將咸曰今賊黨衆已散唯吳一身何所能至侯曰諸君不見毒蛇乎不斷其首猶能為害

斷丁管翻

吳

天性凶狡今若得脫必自稱王者不死以惑愚民為患愈大諸將曰公言是也但得賊不殺而更遣之若遂往不返將何以任其罪侯曰此罪我為諸君任之

為于偽翻任音

壬高涼王那亦以侯計為然遂赦二叔與刻期而遣之

及期吳叔不至諸將皆咎侯侯曰彼伺之未得其便耳

必不負也後數日吳叔果以吳首來傳詣平城

同相吏翻傳知

應翻又直應翻之為流夫所中死

考異曰宋索虜傳云屠各反吳自攻吳弟吾生率衆入木面山尋皆破散

今從魏書

永昌王仁討吳餘黨白廣平路那羅悉平之以陸

侯為內都大官會安定盧水胡劉超等聚衆萬餘人反

魏主以侯威恩著於關中復加侯都督秦雍二州諸軍

事鎮長安

復扶又翻下復選復還同

謂侯曰關中奉化日淺

魏主平夏始得

關中恩信未洽吏民數為逆亂

數所角翻

今朕以重兵授卿則

超等必同心協力據險拒守未易攻也

易以

若兵少則

不能制賊

少詩
治翻

卿當自以方略取之俟乃單馬之鎮超

等聞之大喜以俟為無能為也俟既至諭以成敗誘納

超女與為姻戚以招之超自恃其衆猶無降意俟乃帥

其帳下親往見超

誘音酉降戶江
翻帥讀曰率

超使人逆謂俟曰從

者過三百人

從才
用翻

當以弓馬相待不及三百人當以酒

食相供俟乃將二百騎詣超

將即亮翻
騎奇寄翻

超設備甚嚴俟

縱酒盡醉而還

還而宣翻
又如字

頃之俟復選敢死士五百人

出獵

復扶
又翻

因詣超營約曰發機當以醉為限既飲俟陽

醉上馬大呼

呼火
故翻

手斬超首士卒應聲縱擊殺傷千數

遂平之魏主徵侯還為外都大官是歲吐谷渾復還

舊土

去年吐谷
渾西奔

資治通鑑卷一百二十四